

兒科

瘡科

痘科

會約醫鏡

示



羅氏會約醫鏡目錄

兒科

治生下不啼

斷臍妙法

生下浴法

三週洗法

治臍濕方

夜啼治法

不乳而哭

小兒臍風

小兒臍病

口噤不乳

小兒急驚風

治急驚風

因證加法

急驚兼外感治法

治急驚單方

治心熱急驚

治肝熱急驚

治痰塞上焦

治痰滯驚風

治一切急驚

論小兒慢驚

治脾虛慢驚

治脾腎兩虛慢驚

治脾虛木旺慢驚

治驚嚇

論發搐

論小兒虛證絕證

論小兒諸熱

治表熱

治裏熱

治虛熱之輕者

治虛熱之甚者

治實熱

論小兒疳證

治小兒一切疳證

統治疳積 治疳

鼻瘡 治疳諸瘡

外治疳齲臭爛

內治疳齲牙宣

治走馬疳

小兒睡法

調獲小兒諸法

治瘡毒實證 以下三方次第以洗潰瘍 止潰瘡疼痛

治膿成自潰 鮮毒以生肌肉 収口搽藥 治肺癰

先治肺癰 繼治肺癰 治腸癰 治乳癰及一切大毒

治腸風下血 治痔漏下血 治賺瘡 治痔下血

頸核 癰疽惡瘡 疔瘡 破癰方

多骨疽 紫白癩風 梅瘡 腫毒初起

赤斑癢痛 癩癰不斂 男女下疳 下疳瘡

魚口瘡 瘤贅 脚瘡 大風癩瘡

濕瘡疥癬 瘡口不斂 香瓣瘡 漆瘡

便毒便癰

乾疥

消風湯

膿瘡

砂核外治

瘡中有蛆

牛皮癬

護心散

血風濕瘡

天泡瘡

腎囊風

汗斑

湯火傷瘡

金瘡跌傷

丹毒

臙脛瘡

罨夾棍傷

肥瘡

脚指縫癢爛

久病睡法

羅氏會約醫鏡目錄

瘡科

論瘡證不一 虛實治法 論灸法散毒神方

用附子餅灸瘡潰易斂 論瘡毒用涼用熱之法

論表散之法 論下之毒之治 論腫證不一

論膿已成未成 論內證宜診脉 論毒結時治法

論膿深淺成否 論針法要恰當 瘡毒初起

瘡毒潰後不斂 治氣血兩虛腫毒 治瘡毒始終仙方

治瘡毒一切虛證 治瘡毒虧弱險證 以後論因證調治



治瘡毒純陽

外敷瘡毒純陽

治瘡毒半陰半陽

外敷瘡毒半陰半陽

治瘡毒純陰

外敷瘡毒純陰

論外敷涼藥之害

論止痛在對證用藥

外敷陽毒癰疽

外敷堅頑癰疽

治濕熱癰瘍

治一切腫毒

論收斂藥不可早用

治瘡毒又用收瘡口

論瘡宜用香藥

治瘡始末皆宜

論治宜因證

論疽潰後脉證吉凶

論瘡瘍勿早食肉

治一切瘡毒

治瘡潰爛及湯火傷敗

外治一切瘡毒始末俱效神方

治瘡毒初起先為疏通

治瘡瘍始末神效

治毒護臟

治一切大毒神方

羅氏會約醫鏡卷十九

湖南整齋羅國綱振占氏著輯

俊賓初氏

胞弟羅國興盛世氏校定

英剋羣氏

男定泰 鴻 編次

兒科全書繼出先錄緊要  
病證方論以便取用

治生下不啼或因產難或因冒寒急以綿絮裹抱懷中頻以



斷臍妙法

熱水浸胞衣。要用油帛作條。點燃於臍帶往來燎之。熱氣由臍入腹。便啼。然後洗浴。方可斷帶。

小兒生下。先斷臍。後洗浴。濕從臍入。或變臍風。且多死不治。即啼者。亦宜洗後。斷臍留四五寸。於臍帶近肚處。緊緊扎住。勿引風進肚。爲妙。斷後用艾葉揉軟如綿。綢包護臍。永不肚痛。

庀下浴法

小兒生下。以益母草煎湯洗之。一世無瘡疥。又方用桃李梅葉煎湯浴之。亦妙。無葉時。用根浴。訖以輕粉少許摩身。不畏風。又解諸毒。

三週洗法

小兒洗三週。用猪胆汁三個。入水七八碗。煎至五六碗。待水溫。

治臍濕方

夜啼治法

和勿下生水。洗之時切莫濕臍。恐濕邪入肚。變生臍風。不如洗九週。待臍帶落。洗之更穩。

小兒臍濕。用髮灰。綿灰。毡帽灰。皆可敷之。但防外風襲入。不可久露

小兒夜啼。有向光而止者。有起坐而止者。可知抱兒者。平常宜

背光。或初啼。勿輕起坐。否則慣而難止。治法不一。錄之以備

取用。○黑牽牛末。錢一水調敷臍上。○五倍子末。錢二津涎也調敷

臍上。○又甌帶懸戶上。○又蟬脫用後半截。三個研末敷乳上。

令吮之。或用鈎藤湯調服。或用薄荷湯調服。○又抱雞窠草

或猪窠草。密安蓆下。勿令婦知。○又用硃筆於兒臍下書一

兒科

田字。○又燈花三顆塗乳頭上令兒吮之即燈草燒灰加辰

砂少許亦妙。○又用本兒初穿衣衫放瓶內。○又木香磨水

調乳香沒藥末少許煎數沸服。○又用柴頭一個長四五寸

削平一面硃砂水寫云撥火杖。撥火杖差來作神將捉着夜

啼鬼打死不要放急急如律令勅。敬以書之豎安房內席上

凡初生小兒不乳而哭速看兒口中上腭牙藏等處必有白泡。

或黃泡俗名姜牙急用銀挖耳刮破之隨用絮抹乾勿使嚙

之。一刻即愈。或於刮破處以好墨塗之或以桑樹白汁塗之更妙

凡小兒臍風可以預免於斷臍時勿使入風入水詳上斷臍法

不乳而哭

小兒臍風

內。至於有病撮口不乳治法不一。錄之。以便取用。白姜。五  
二枚。炒研蜜調服。○又鈎藤鈎。甘草煎服。○又將死危證。搗  
蒜安臍。以熟艾炙蒜上。要至口中有蒜氣方止。仍以蒜汁滴  
鼻中。○又用全蠍酒炙爲末。少加麝。以金銀煎水調半字服  
之。○又艾燒灰厚敷臍上。以綢絹裹之。○又附子肉桂等分  
爲末。以生姜自然汁調作餅二分厚。安臍上。帛蓋之用熨斗  
以微火灸。母服五苓散。加當歸。吳茱萸。木香。乳香。沒藥。鈎  
藤各一錢。或兒同服。更妙。○若臍旁青腫。手拳口噤。啼不吮乳  
者。凶。或用全蠍一二枚。酒炙爲末。加麝少許。以金銀煎湯調服之

小兒臍帶。或有所犯而落。故根未斂。潰腫而成瘡者。宜白龍骨。黃柏。枯礬。爲末。敷之。○又蝦蟇燒末。敷之。○臍腫。荆芥煎湯。洗後。煨葱貼之。但須常看抱裙。勿有尿濕也。○臍突。其狀如吹起者。以臍下爲氣海。兒多哭。則氣動於中。自臍突於外。須設法使之不哭。方可養也。方用赤小豆。淡豆豉。天南星。白蘇各一錢。爲末。搗芭蕉自然汁。調敷臍四傍。小便下。卽愈。

口噤不乳

凡口噤不開。用天南星爲末。加片少許。以姜汁和之。擦牙齦。立開。○又猪乳汁。與兒吞之。善開口噤。○又不乳。或喉中有痰。如豆。葛藤燒灰。和乳汁服。○不乳屬臍風者。必唇青。口撮。若

小兒急驚風

無此證或不乳或吐乳有屬胎寒腹瀉者用木香木瓜乳香沒藥各少許爲細末以當歸蘇葉煎湯調喂如無上證必母之乳汁多而傷也宜少節之自愈

急驚者陽證也蓋小兒之真陰未足故肝邪易動木生火火生風風熱相合則血虛而筋急而爲眩掉反張由是本邪侮土則脾病而爲痰壅吐瀉木盛金衰則肺病而爲喘促短氣木火上炎則心病而爲煩熱驚叫木火傷陰則腎病而爲血燥乾渴汗閉搐瘲等證此非外來之風可以散也惟以清熱豁痰爲急但當分微甚而治之

治急驚風

清熱平肝湯新治急驚一切實證

龍胆草

胆南星

用牛胆套九次者佳

海石

法半夏

鈎藤鈎

揀盡

鈎用此味後入過煎無力各一錢

白芥子

炒研

淮木通

各八分

水煎就用

四證加法

姜蚕五分

全蠍

去足微炒五枚

片麝

各二厘

共研末調藥服如火之

甚者加黃連黃柏大黃之屬如之微者加元參知母黃芩

梔子之屬痰之甚者倍胆南星加天竺黃牛黃之屬痰之微

者加前胡陳皮去白貝母花粉之屬此外加硃砂能入心鎮驚

雄黃能破結開滯琥珀青黛亦清利之佐助冰片麝香乃開

竅之要藥至於姜蚕佐痰藥善能開痰去肝脾之邪則肝平

急驚兼外  
感治法

治急驚單  
方

而風自息也。全蠍色青入肝，善走厥陰，味鹹降痰，故能治風。較之姜蚕，此其次矣。蟬脫不遏，取其輕脫之義，不足恃也。凡驚風之實邪，以痰火爲重，而風則次之，不得徒用剪風之藥也。○或驚風有兼外感者，必脉息浮緊，寒熱頭痛無汗等證，如防風羌活、荆芥、乾葛、紫蘇、獨活、細辛之類，可以暫用。無外邪者，皆所切忌，又不可過用。片麝恐陽虧陰盛而成慢驚，彼防風辛熱，誤用殺人，更宜慎用。○如月內驚風，用丹砂末塗五心，以色赤入心，安神除熱也。若客忤卒死，用蜜調服，如驚忤無聲，血入心竅，猪心血調服，如發搐之甚，同南星全蠍調服。



治心熱急驚

備揀古來治急驚諸方以便取用

導赤散 治心火上炎。舌黃尿赤。口渴身熱。急驚實證。

生地 木通 甘草 麥冬各二錢 淡竹葉十皮 水煎熱服

治肝熱急驚

瀉青丸 治小兒肝胆火急驚發搐眼赤上視等證

羌活 防風 當歸 川芎 山梔仁 胆草 大黃酒浸

煨透 等分

共研細末蜜丸每用竹葉煎湯少加沙糖化下。○急

驚風者肝風甚而心火從之為實邪也實則瀉之宜用瀉青

丸以瀉肝之風導赤散以瀉心之火如大便秘用蜜導法蜂

蜜三兩入鉄器內以火熬乾捻成挺子寸半長從穀道插入

治痰塞上焦

若用下藥恐脾胃受傷。

吐痰方

治兒壯實痰在喉間壅塞藥食不得入者則宜吐。

姜蚕

牙皂炙焦等分

研末以土牛膝根少加水搗汁調少許

灌之即吐吐後服下痰藥。

治痰滯驚風

辰砂膏

治小兒痰壅氣滯服之痰自化下。

辰砂

飛過三錢

蓬砂

馬牙硝

各錢半

元明粉

二錢

全蠍

去毒

珍珠

各一錢

麝

一分

共研末每用一二分治諸驚薄荷湯下

治胎驚乳汁合棗湯下或用礞石滾痰丸亦妙

治一切急驚

至聖保命丹

治一切小兒急驚胎驚勢迫時用之風平須照

證調治。此應怙之劫方，也不得過服。

胆星 牛胆九套者佳

姜蚕

糯米泔浸焙

白附子 各一錢

全蠍 去足焙十四枚

天麻

防風

各一錢

辰砂 水飛錢半

珍珠 五分另細研

麝 一分

琥珀 三分

金箔

二十片

共研末，粟米熬糊為丸，分為二十五粒。金箔為衣，每

一粒用薄荷煎湯磨服。或祇用白附子、姜蚕、全蠍等分為

末，酒調錢服，甚效。○又方：白牽牛半生，半炒；黑牽牛半生，半

炒；大黃煨、檳榔各一錢，共研末，用五分蜜湯調下，痰甚加輕

粉一分，得微利一二次，痰熱自退，不必過下。痰熱退則驚風

自除，切不可用辛燥驅風等藥，反助心火而為害也。當其搐

論小兒慢驚

搦大作時。但可扶持。不可把捉。恐風痰流入經絡。或至手足拘攣也。又不可輒用艾火燈火。此陽證不宜火攻。又不可峻用攻擊。如巴豆之類。以取速效。祇服清涼之劑。自可平安。諺云。急驚風。慢慢治。此通言之切當者也。

慢驚者。虛證也。有因吐瀉後。脾胃虛弱而致者。有因急驚過服寒涼。及傷寒過下而致者。有因脾胃素弱。或受風寒而致者。其證昏睡。露睛。痰鳴。氣促。驚跳。搐搦。或不發。不靜。或身熱。身冷。或肢厥。唇青。面白。口鼻氣冷。昏迷不食。自汗。泄瀉。其脈遲緩。細數等證。為脾虛生風。無陽證也。此際宜速培元氣。大補。

治脾虛慢驚

脾土即有風痰之類皆非實邪不得妄用剪風化痰之藥再為消散以傷陽氣乃為善治

六君子湯 治脾胃虛寒以致痰凝氣滯自汗泄瀉慢驚等證

人參

少者以山藥四錢炒黃代之

白朮

三錢

茯苓

半錢

炙草

一錢

陳皮

去白一錢

半夏

半錢

姜枣水煎類服如中寒泄瀉身冷痰滯加

附子二錢

附子溫中回陽為慢驚之聖藥也如元氣將脫急炮用之

若肝邪旺侮脾土者

加肉桂一二錢平肝以息風也瀉甚者加肉豆蔻一二錢麩

包煨去油用或補骨脂亦可滑脫不禁者加烏梅二個或北

五味子二十粒如氣虛下陷昏倦無神加黃芪蜜炙二錢即

治脾腎兩  
虛慢驚

身熱亦服所謂其溫能退大熱也若膈熱拒之冰冷與服或  
血虛不能養肝加當歸白芍以血足風自滅也

理陰煎 治脾腎陰陽俱虛慢脾等證

熟地 錢五七

當歸 錢二二三

乾姜 錢炒二

甘草 錢炙

水煎服

如腎虧水泛為痰或嘔或脹者加茯苓錢半或加白芥子五  
分如陰寒厥逆加附子二錢或泄瀉不止去當歸加山藥扁  
豆補骨脂肉豆蔻附子之屬如腹脹滯疼痛加木香陳皮砂  
仁之屬或肝邪旺木動風搖加肉桂二錢如兼外感頭痛寒  
熱咳嗽脈浮緊者加麻黃五七分

治脾虛木  
旺慢驚

加味異功散

治脾胃虛弱肝木所勝外虛熱而內真寒慢驚

風證。人參

白朮

錢二

茯苓

錢半

甘草

錢一

當歸

錢二

陳皮

去白一錢

鈎藤鈎

錢半

此味後過煎無力

如不應加半夏錢半炮姜

一錢白蔻八分木香四分或再加附子錢半要知木虛則搖

而無力火虛則身寒口中氣冷土虛則吐瀉睡而露睛此際

宜補脾胃為急

治驚嚇

秘旨安神丸 治小兒乍受驚嚇神氣失散以致潰亂不堪睡

中驚悸宜以收復神氣為主若作驚風治誤矣

人參 棗仁

茯神

半夏

各一錢

當歸

白芍

酒炒

橘紅

論搐搦

各七

五味子

五粒

甘草

炙三分

共研末姜汁糊丸每用生薑

湯磨服二丸如硃砂琥珀之類不遏取其鎮重之意惟此方

乃為救本之法此證必驚哭多淚忽啼忽止者是也若啼叫

無淚聲長不揚者是腹痛當細辨之

搐抽搐也是即驚風之屬但暴而甚者謂之驚風微而緩者謂之發搐發搐不治則漸成驚矣宜察形證之寒熱臟腑之虛實治之其治法詳具急驚慢驚二證可參閱用之

有所謂慢脾風者即慢驚失治而甚者耳其實難大分別亦不必別立治法急驚屬實熱宜用清涼慢驚屬虛寒宜用溫補二



論小兒虛  
證絕證

病不同治法宜異而諸書多用一藥以治二病何其謬也錢氏  
戒之而諸家著書立方又明犯之其被天枉者多矣

小兒之虛證觀外可知如心虛則驚惕不安若啼聲不出者心  
絕也肺虛則氣促多汗若喘滿痰響者肺絕也脾虛則吐瀉不  
食痞滿倦卧牙緊流涎手足牽動若昏迷不乳者脾絕也肝虛  
則筋急斜視抽搐勁強若目不開者肝絕也腎虛爲肢厥津枯  
火不歸元若二便不禁者腎絕也凡言實者乃和氣之實非元  
氣之實也治者亦不可傷元氣若病久已虛尤當專顧脾腎則  
根本固而無虞矣

論小兒諸熱

小兒熱證不一。有表裏虛實之異。而人動謂小兒純陽。概用寒涼。其說亦誤。蓋男子二八。女子二七。而天癸至。天癸者陰氣也。陰氣未至。故曰純陽。原非謂陽氣之有餘也。特稚陽耳。稚陽之陽。其陽幾何。陽本非實。而誤用寒涼。則陰既不足。又伐其陽。多致陰陽兩敗。脾腎俱傷。又將何所依賴。而望其生長。邪故貴審。稟賦陰陽偏盛。及外感風寒。內傷飲食等證。因人調治。斯無弊敗毒散。治四時感冒風寒。身熱無汗。喜人懷抱。口不渴。便自調者。此熱在表也。

治表熱

人參 茯苓 枳殼 甘草 川芎 羌活 獨活 前胡

治裏熱

柴胡 桔梗 生姜五分 水煎熱服 溫取微汗 而熱自退

黃芩湯 治臟腑積熱 喜露頭面 揭去衣被 口熱舌黃 小便赤

大便秘 日晡更熱 此裏熱也 黃芩 梔仁 麥冬 生地

澤瀉 木通 甘草 等分 或加黃連 入生姜三分 水煎溫服

竹葉湯 治病後溫熱 或兼潮熱 或渴不多飲 大小便如常 此

治虛熱之  
輕者

虛熱也 竹葉十皮 石膏燒研二錢 半夏 人參 麥冬

炙草名一錢 粳米即硬米也 下一撮 先煎藥 後入米 再煎服 或體弱

泄瀉 不食 昏倦 其熱不止 須用下方 其溫以補脾胃 而熱自

除寒涼藥 最爲忌用

治虛熱之  
匪者

加味四君子湯

人參

白朮錢二

茯苓錢半

炙草錢一

乾姜

炮

白芍

酒炒各  
錢半

當歸

二錢  
泄者不用

姜朮水煎

如氣倦

加蜜

芪錢半如氣脹加木香三分如中寒腹痛滑瀉加吳茱萸肉

豆蔻白豆蔻補骨脂之屬如胃寒嘔逆加半夏生姜或加附

子如虛熱甚生風者加肉桂鈎藤鈎揀盡鈎錢半直  
後入過煎無力或少人

參用山藥四錢炒黃代之

治實熱

清涼湯 治小兒面赤舌燥鼻乾飲冷大小便秘一切熱證

黃芩錢二

黃連錢一

滑石錢二

薄荷葉八分

大黃

酒浸煨  
熱錢半

姜引熱服如口渴加花粉乾葛如大便秘結用猪胆汁少加

論小兒疳  
證

皂角末從穀道灌入不得用芒硝枳實以傷脾胃也。

小兒疳病因病後脾胃虧損或用藥過傷不能傳化乳食內亡  
津液虛火妄動或乳母六淫七情飲食起居失宜致兒爲患  
其證目腫腹脹瀉痢清白肢體瘦弱鼻爛身瘡虛熱往來又  
有走馬疳者牙齒蝕爛口臭齒黑甚則齦敗牙宣前人治法  
多用清涼不知此證真熱者固多而元氣既敗假熱者尤多  
也當陰虛脾虧之際非溫補不可宜臨證酌宜仍以虛損治  
勞之法參用庶得盡善。

治小兒一  
切疳證

蘆薈丸 治小兒肝脾疳積發熱口渴體瘦大便不調或癩癧

耳瘡顯爛目翳等證

胡黃連 黃連 蘆薈 白蕪荑 白雷丸 破開赤者不用 木香

忍草 鶴虱草 微炒各一兩 右為末蒸餅糊丸每白湯下一錢

或腹脹加枳實青皮山查肉麥芽如有虫加史君子肉如血

虛加當歸如脾虧有痰加茯苓此方再加乾蝦蟇 一二隻酒浸一宿去

腸灸用 更效服此丸者但須間服異功散以扶脾胃為妙○如

有虫用黃連一兩猪肚三兩蒸熟搗為丸服○食土用黃連

猪肚煮汁拌土晒乾食之如骨蒸瀉痢用胡黃連潮熱同柴

胡煎服肚脹同五靈脂丸服壯熱同黃連硃砂 細研水飛 以猪胆

治疳鼻瘡

蘭香散

治小兒鼻疳赤爛

汁拌濕蒸熟入蘆薈麝香丸服如喫泥肚大沙糖輕粉丸服  
凡肚大有積將成疳者用麥冬白朮散一料加穀虫五錢爲  
末米湯調服即愈最穩最效

蘭香葉

燒灰一錢

銅青

輕粉各三分

右爲末乾摻

治疳諸瘡

白粉散

治小兒諸般疳瘡

海螵蛸

三分

白芨

輕粉各一分

一右爲末先用溫水洗拭乾敷

外治疳齲

雄黃散

治牙齲生疳蝕爛

雄黃

一錢

銅綠

二錢

研末乾摻之

內治疳齲

蟬蛻丸

治牙齲生疳臭爛并治小兒頸項結核面色痿黃飲

食不甘腹大發熱名曰無辜疳證一服虛熱退二服煩渴止  
 三服瀉痢愈真妙方也 用蟾蜍一二個夏月溝渠中取腹  
 大不跳不鳴者是身多僵者佳跌死投於桶中浸之以尿下  
 糞蛆二杓食之二晝夜用布袋盛蛆置流水一宿取出瓦上  
 焙乾為末入麝香二厘米飯搗糊為丸麻子大每服二三十  
 丸米湯下其效如神

治走馬疳

馬鳴散 治走馬疳牙床潰爛甚而齒脫凶證

人中白

即尿缸底白堊也。以物刮取新  
 瓦盛之火煨如白堊乃佳。五錢

五倍子

生者一錢  
 另用一錢

同白礬  
 煨之

馬鳴退

即蚕退紙也。火  
 燒過二錢半

枯白礬

二錢即五倍  
 子同煨者在內

小兒疳積



右爲極細末。先以濃米泔滷洗後。以此敷之。眞良方也。其吐瀉腹痛咳嗽等證。大小可以同治。參閱本門用之。不必復贅。備採古來治小兒雜證簡易單方於後。以便取用。

小兒口瘡。細辛研末。醋調敷臍上。○初生時。以甘草煎汁滴口中。日後無毒。且稀麻疹。○發黃。用花粉搗汁。蜜引溫服。○骨蒸減食。因睡濕床傷也。用秦艽。甘草。炙等分煎服。○蛔多腹痛。使君子肉爲末。每月初旬五更時。米湯調服一錢。○丹瘤。木鱉子仁。研末。醋調敷之。○遺尿。補骨脂炒鹽研末。每夜開水調服四分。○狂燥身熱。昏迷。梔仁。豆豉各四錢煎服。或吐

或下立效。○行遲五加皮五錢。川牛膝木瓜各二錢五分。爲末。每服五分。酒引。○頭面瘡。瘡常流血水。蛇床子一錢。輕粉三分。爲末。麻油調搽。○寸白虫雷丸。肉白者可水浸去皮。每月初旬五更時。食豕肉少許。以稀粥調服一錢。○疳積腹大黃瘦。用立秋後大蝦蟆。若身有僵腹大不跳不鳴者佳去首足腸肚。以麻油塗之。陰陽瓦焙熟食之。虫積自下。連服五六枚。一月全愈。○初生數日大小便血。乃心肺胎熱。不可服涼藥。祇用生地加水搗汁五六匙。加酒蜜各一匙。服之自愈。○不下尿。不吃乳。大蒜白切碎。以乳牛盞蒸片時服。○瘡疾用麝香磨墨寫去邪辟

魔四字於額上以截之。○癩證用雞子黃和乳汁服三枚愈。  
癩癩蘆薈煎服。風癩善驚用天麻煎服。或用青黛水調服。○  
胃寒吐乳白豆蔻仁砂仁甘草煎服。○月內目不開或腫滿  
或出血名慢肝風用甘草猪胆汁炙研末水調服。○陰縮吳  
茱萸大蒜硫黃搗塗腹仍用蛇床子燒烟薰之。○病後天柱  
骨倒蓖麻子木鱉子仁搗貼足心。○口瘡陀僧研末醋調塗  
足心瘡愈即去之。○痢瀉赤石脂末米湯調服五錢立瘥。○  
睡中自汗故蒲扇燒灰爲末酒下二錢。○諸風口噤不語南  
星略炮五分紫蘇生姜引煎就八雄猪胆汁少許服。○撮口

甘草水煎服。令出痰涎。以熱乳滴入口中。自瘥。

### 調護小兒諸法

小兒睡法

凡兒生初睡時。最難安置。欲安枕上。枕高不便。安於枕下。恐寒

時被厚掩傷。

世亦有掩死者。

祇得安於手肘上。不知鼻風多射兒頭。

異日或有頭風腦痛之患。亦有枕偏兒頸者。况母手常在被

外。多受風寒。日後多有手臂痛者。其法將母平日之枕。一概

不用。母用衣服製一枕。約四五寸長。週圍以線扎之。恰便母

睡。其兒用菉豆一二碗。畧搗碎。粧入布袋內。睡時仰鬆打平。

止要寸許高。兒吃乳後。推於豆枕上。與母一樣齊睡。母子俱

安豈不妙哉。菘豆能明目去風稀痘并解一切瘡癩。

凡浴時探水冷熱得所。庶無水驚。冬从浴則傷風。夏从浴則傷熱。其浴時當護兒背。以風寒自此而入。易成病患。且忌數數洗浴。凡小兒平常無病。忌服藥餌。否則遇病無效。

凡抱持忌生客。恐客忤發熱等證。忌入廟。恐心驚怖起風。

凡浣衣不可露於星月之下。易惹邪祟。即至十歲亦忌。

凡在春天勿護頂裹足。使陽氣舒長。即稍長下體勿令過煖。得

寒涼則陰易長。過溫煖則陰暗消。下體主陰。以童子陰常不

凡初生十日內。宜煎淡豆豉汁。喂之下胎毒。助脾氣。化乳食。以足也

猪乳哺兒解痘毒除驚癇且無撮口臍風之患。

凡養兒要出見風日。要着地氣。若常懷抱。則筋骨緩弱。數歲難行。

凡兒勿摸刀劍。勿見猿猴。勿令久坐。勿令久行。勿過飲食。勿衣

重裘。勿哺美味肉食。酸冷姜蒜。夜莫停燈。日莫說鬼。睡莫當

風坐。莫近水近火。勿使過笑。勿使過哭。笑哭之後。莫即與乳。

乳後勿即與食。食後勿即與乳。食乳交進。便成積聚。雷鳴擊

鼓。不必掩耳。乳兒不得過飽。飽則溢。溢則導虛胃氣。凡宿乳

須令捏去。當沃壁上。勿令虫蟻食之。乳兒之時。先以手指按

住。勿使乳來太急急。則難嚥。噎成哮喘病。兒肚宜煖。以熟艾鋪

一抱肚冷天圍之熱天用夾布爲之日夜勿解以寒脾胃以

上護法須當留神

凡兒剃頭宜避風處丑寅日吉丁未日凶五月七月不宜剃頭

凡小兒諸病肝脾二經居多肝只有餘有餘者病氣也似重而

易治脾只不足不足者元氣也似輕而難治

故薛氏以補脾立論誠格言也

凡小兒虛實寒熱似乎難辨觀外證可知如足脛冷腹虛脹糞

色青吐乳食眼珠青面青白脉沉微者此內必虛寒忌投涼

藥若足脛熱而顛紅大便閉小便赤舌粗黃眼珠赤渴不止

上氣急脉洪滑者此內必實熱忌投熱藥

瘡科全書繼出先備緊  
要方論以便取用

瘡瘍一證有出於腑而爲癰此爲陽證屬內病之稍次者治之  
猶易有出於臟而爲疽此爲陰證屬內病之最重者治之爲難  
外有在皮膚者有在筋骨者其淺深有辨蓋寒滯之毒其來徐  
其入深多犯在筋骨之間風熱之毒其來暴其入淺多犯在皮  
肉之間能知陰陽淺深則治療不差然其最重者以元氣爲主  
元氣強則正勝邪自易發而易收若元氣弱則邪勝正必難發  
而難收又有元氣本虧而邪盛不能容補者此爲敗證其有邪  
盛而脈證俱實者但當直攻其毒則不得誤補助邪所宜詳辨



也。凡脉浮數而反惡寒者，瘡疽之證也。

### 虛實治法

如腫起堅硬，膿稠痛甚，二便秘赤，腹脹胸痞，口苦咽乾，煩燥身熱，目赤，詠洪，心神恍惚者，實也。此其毒在臟腑，非用硝黃峻猛之劑，蕩而逐之，則毒不解，故不得不下。然非有真實者，不可輕用下也。○如腫下軟慢，膿稀身冷，瀉利嘔吐，食少自汗，肢腫音嘶，或腫而不潰，或潰而不斂，脉微昏沉者，虛也。此宜全用溫補，固無疑也。然不獨此也，即凡脉無洪數，又無煩熱壅滯，而毒有可慮者，此雖非大虛之證，然察其但無實邪，便當托裏養榮，預

顧元氣何也。蓋恐困久膿潰不待損而自虛矣。及其危敗臨期，即多方挽回，安有益哉。故丹溪云：癰疽因積毒在臟腑，宜先助胃壯氣以固其本。夫然則易於成功而平復不難矣。若獨攻其瘡，則脾胃一虛，七惡蜂起，安有能生者乎。○齊氏曰：邪氣勝則實，真氣奪則虛。又曰：諸痛爲實，諸癢爲虛。又曰：診其脈洪大而數者實也，細微而軟者虛也。虛者補之，和其氣以托裏也。實則瀉之，疎利而導其滯也。

### 論灸法

凡瘡瘍有毒之甚者，如背疽、腦疽、脫疽、疔瘡、天蛇頭。

在手地蛇指尖

治毒瘡仙方

頭在脚指尖

一切無名腫毒。或腫處無頭。用濕帛貼於患處。但一點

先乾處。乃是瘡頭。或周圍高。而中一點青黑。而陷者。或數腫處

不知痛癢。或發如粟米之類。此皆大毒。非藥所能有功。惟用大

蒜獨蒜切片三分厚。貼瘡頂。以艾於手掌中久揉。自軟如綿。以

豆大一壯。安於蒜片。灸之。每三壯易蒜。萬一灸得痛不可忍。將

蒜畧揭起。易艾再灸。或數十壯。或來日。又灸。搥以多灸為妙。約

一二百壯。則毒自散。未成者。即消。已潰者。即斂。誠治癰疽惡毒

之仙方也。蓋用大蒜。取其辛。而能散。用艾灸。取其火力。能透深

遠。所以勝於藥力百倍者矣。若畧灸幾壯。而即止。反為有傷。經

多灸為妙

曰陷者灸之灸而不痛痛而後止其灸灸而不痛者先及其潰所以不痛而後及良肉所以痛也灸而痛不痛而後止其灸灸而痛者先及其未潰所以痛而次及將潰所以不痛也人之頭爲諸陽所聚艾壯宜小而少

用附子餅灸瘡潰易斂

又有用附子炮去皮臍研末以唾津和爲餅安瘡口上將艾壯於餅上灸之每日灸十壯但令熱勿令過痛治潰瘍氣血俱虛或風寒襲之不能收斂用之神效

論瘡毒口涼用熱之法

景岳曰凡癰疽陰盛陽衰體弱脈虛苦寒之劑非惟潰後不可用卽腫瘍亦不可用也若陰邪凝結之毒非用溫熱何以運行

論表散之法

陳氏謂腫瘍不可用熱藥。恐不可以概言也。

又曰：瘡腫之屬外邪者，惟時毒、丹毒、斑疹及頭面頸項上焦之證多有之。察其果有外邪而脈見緊數，證有寒熱者，方宜表散。然散之之法，又必辨其陰陽盛衰，故或宜溫散，涼散，平散，兼補散，解毒而散。此中自有權宜也。○又如裏證用下之法，毒盛勢劇者，大下之；滯毒稍輕者，微下之；榮虛便結而毒不解者，養血滋陰而下之；中氣不足而便結壅滯者，潤導而出之。凡此皆通下之法，但宜酌緩急輕重而用之。若不得法，後來將有難結之患，不但目前之害已也。是以表證不真者，不可汗，汗之則亡陽。

論腫證不

裏證不實者不可下。下之則亡陰。亡陰亦死。亡陽亦死。

醫固可孟浪乎

論膿已成未成

凡腫軟而不痛者。血瘤也。腫而漸長。不大熱而時時牽痛者。氣瘡也。微腫不消。後亦成膿。此是寒熱所為也。留積日久。寒化為熱。以此潰者。必成漏也。○凡察癰疽。以手掩其上。大熱而軟者。膿成也。宜急針破之。若皮薄者。膿淺也。不甚熱者。膿未成也。○

論內證宜

診脉

結核不消。寒熱發渴。面色黃者。已成膿也。○至於臟腑內疽。深藏不見。惟診脉可知。胃脉人迎也。沉數熱聚。胃口胃脘癰也。若洪數者。膿已成也。脉沉緊。雖膿未就。已有瘀血也。宜急治之。不爾。則邪內攻而危矣。

金匱要略卷之十 瘡科

論毒結時

治法

論膿深淺

成否

論針法要

恰宜

治瘡毒初

起

瘡毒已結者宜補氣血使膿速成膿成當驗其生熟針而去之  
 不可用內消之法以寒涼而成壞證。○小按便痛者膿淺也大  
 按方痛者膿深也。按之不易起者膿未成也。按之而即起者膿  
 已成也。膿生而用針氣血既泄膿反不成。膿熟而不針則腐潰  
 益深。瘡口難斂若瘡深而針淺內膿不出外血反泄若瘡淺而  
 針深內膿雖出良肉受傷若元氣虛弱必先補而後針若膿出  
 而反痛或煩燥嘔逆由胃氣虧損也宜急補之。

仙方活命飲

治瘡腫色赤壯熱焮痛此陽毒也服此未成膿

者即消已成膿者即潰此止痛消毒之聖藥也

川山甲

蛤粉炒黃

白芷

防風

花粉

赤芍

歸尾

乳香

沒藥

貝母

皂刺

甘草

各錢半

金銀花

三錢

陳皮

二錢

酒煎服。服數劑未成者自消。若已成而膿潰者必體虛難得收斂。當速服下方。

口瘡毒潰  
後不斂

托裏消毒散

治瘡潰體弱。易於收斂。此標本同治也。

人參

隨證增減

黃芪

鹽水炒

當歸

川芎

白芍

炒

白朮

茯苓

各一錢

金銀花

白芷

甘草

連翹

各六分

水煎服。若

潰後而新肉不生。屬氣虛者。四君子湯為主。屬血虛者。四物湯為主。氣血俱虛者。十全大補湯為主。並忌寒涼消毒之劑。



治氣血兩  
虛腫毒

益氣養榮湯 治氣血虧損身發腫毒不論軟硬赤白或不時

發熱或潰而不斂內服數劑外用隔蒜艾炙一三十壯潰者

貼神異膏 人參 黃芪鹽水炒 當歸 川芎 熟地

白芍炒 貝母 香附 茯苓 陳皮各一錢 白朮二錢 柴胡

六分 甘草 桔梗各五分 姜水煎服如口乾加五味子麥冬往

來寒熱柴胡用一錢加地骨皮膿清倍用人參黃芪膿多不

止倍用黃芪當歸肌肉遲生加白蘇肉桂

秘方托裏散 治一切瘡毒始終常服不致內陷

治瘡毒始  
終仙方

瓜蒌大者一個搗 當歸 黃芪 白芍 甘草各兩 熟地

花粉 金銀花 皂刺炒各一兩 右每味用一半以酒五茶鍾入

磁器內以紙密封置鍋內久煮取出待冷陸續溫服○立齋

曰此方藥品平易消毒之功甚大且不動臟腑不傷血氣不

問陰陽腫潰屢用屢效真仙方也凡有腫毒先用隔蒜艾炙

若脉沉實大小便秘者先用疎通而後用此其功甚捷若大

毒已退不作膿或不潰者更宜此方托裏潰而不斂及膿清

者方用峻補

治瘡毒一切虛證

托裏養榮湯 治瘰癧流注及一切癰疽不足之證不作膿或不

潰或潰後發熱或口渴或惡寒肌瘦盜汗倦卧不思飲食

等證。人參 黃芪蜜炙 當歸 白芍酒炒 川芎名一錢 白朮

錢半 熟地二錢 五味炒研 麥冬 甘草各五分 姜五分 水煎服

治瘡毒虧

參芪托裏散 治瘡毒平塌。色暗神倦其痛不甚或不知痛癢

此陰毒也能急補托可免其毒內攻而危或腐潰不能收斂

惡寒發熱一切不足之證。人參 黃芪蜜炒 白朮 當歸

熟地 白芍酒炒 茯苓 陳皮各錢 金銀花三錢 水煎多服

如不效加乾姜炒 一錢。肉桂錢半。○若膿出而反痛者氣血

虛也。八珍湯如不作膿不腐潰者陽氣虛也。四君加歸芪肉

桂如不生肌不收斂脾氣虛也。四君加地黃木香如惡寒憎

寒。陽氣虛也。十全大補。加姜附。如晴熱內熱陰血虛也。四物  
加參朮。如欲嘔作嘔。胃氣虛也。六君加炮姜。如自汗盜汗五  
臟虛也。六味丸料。加五味子。如食少體倦。脾氣虛也。補中益  
氣。加茯苓。半夏。如喘促欬嗽。脾肺虛也。前湯加麥冬五味。如  
欲嘔少食。脾胃虛也。人參理中湯。如腹痛泄瀉。脾胃虛寒也。  
附子理中湯。如小腹痞足膝冷。脾腎虛也。十全大補湯。加  
皮山藥肉桂。如泄瀉足冷。脾腎虛寒也。前藥加桂附。如熱渴  
淋秘。腎虛陰火也。加減八味丸。即六味丸加肉桂五味觀此。即知百病  
用藥之法。

陽 治瘡毒純

濟陰湯

治瘡毒初起腫毒熱渴脉滑數有力證屬純陽者

連翹 錢二

山梔 炒

黃芩 炒

黃連 炒

甘草 各一錢

白芍

錢半

丹皮 錢二

金銀花 錢三

水煎服如大便秘加大黃

外敷瘡毒 純陽

抑陽散

外治前證屬純陽者

花粉 三兩

姜黃

白芷

赤芍 各一兩

共為末茶調厚敷患處

內外調治則熱毒自解瘀滯自散

治瘡毒平 中陽

沖和湯

治瘡毒似腫非腫似痛非痛似潰非潰脉洪數而無

力屬半陰陽者此因元氣虛弱失於補托所致

人參 少者用蜜炙黃芪三錢代之

陳皮 生黃芪 白朮 當歸

白芷 各錢半

茯苓

川芎

皂角刺

乳香

沒藥

金銀

花 甘草節 各一錢

半水半酒煎服

外敷瘡毒  
牛陰半陽

陰陽散

外治前證屬半陰半陽者

紫荊皮 炒五兩

獨活 炒一兩

赤芍 炒

白芷

石菖蒲 各二兩

共為末。葱汁好酒調敷。內外夾治。則氣血自和。瘀滯自消。

治瘡毒純陰

回陽湯

治瘡毒微腫微痛。或色暗不痛。或堅硬不潰。脉雖洪

大按之微細。軟弱屬純陰者。此屬脾腎虛寒。或因藥虧損元

氣所致

人參

白木

黃芪 各三錢

乾姜 炮

附子 製

甘草 系

陳皮

當歸 各二錢

柴胡

升麻 各五分

半酒半

外敷瘡毒  
純陰

水煎服如不應倍加姜附。

抑陰散

外治前證屬純陰者。

草烏二兩

南星

煨

赤芍

炒

白芷

各一兩

肉桂

五錢

共為末。

葱湯調敷熱酒亦可。

內外共扶則脾胃自健陽氣自回也。

論外敷涼藥之害

丹溪曰敷貼之劑應酬輕小熱證耳若不辨其陰證陽證而妄

敷寒涼之藥則迷塞腠理凝滯氣血毒反內攻而肉反死矣况

元氣得寒則不健瘀血得寒則不散敗肉得寒則不潰新肉得

寒則不生治者審焉。

論止痛在對症用藥

凡瘡疽之痛不一止之亦異有因熱邪痛者以涼藥止之有因

寒和痛者以熱劑止之。因風者除其風。因濕者導其濕。燥者潤之。寒者通之。虛者補之。實者瀉之。之類。臨機應變。方為上醫。有謂乳沒可以止痛。究何益哉。

外敷陽毒癰疽

降癰散 治陽毒癰疽。焮腫切痛之甚者。煎劑功緩。用此外敷。

散毒止痛立效。薄荷葉 野菊花連根葉各一握 土貝母牛茅根

外敷堅頑癰疽

一握乾者為末。鮮者同貝母搗爛。外將茅根煎濃湯乘熱調敷。患處仍留前湯頓熱。不時潤於藥上。但不用冷。約半日即換。又方 治疽毒堅頑深固。及結核痰滯等證。

腦荷倍用 生南星 土貝母 朴硝等分 石灰風化者倍用 共為末



治濕熱癰  
瘍

用鹽水調敷患處。膿成留頭。經宿乾。即易之。或炒熱攤絹上。隔絹貼之。或用麻油調。或用茅根湯調。亦可。若欲止痛速效。加麝香。或冰片少許。更妙。

槐花酒

治腫毒屬濕熱者。退之神速。惟胃寒之人。不可過用。

槐花四五兩。炒微黃。乘熱入酒。二三鍾。煎十餘滾。去渣。熱服。

未成者。二三服。已成者。一二服。即消。大抵腫毒。先用蒜炙。次

服槐花酒。以去其毒。勝於托裏諸藥。多多矣。

忍冬酒

治一切癰疽腫毒。發背。疔瘡。喉痺等證。

治一切腫  
毒

忍冬藤

一名金銀藤。鮮者四五兩。乾者。止用二兩。搗碎。

甘草節

一兩。水煎。就入酒一

論收斂藥  
不可早用

治瘡毒又  
用收瘡口

鍾再煎數沸。每日二服。外用藤搗爛入酒少許敷患處。或用

花用葉生者搗汁半鍾和熱酒半鍾溫服更佳。甚者三五服即愈

凡癰疽之毒有淺深故斂之有遲速不可早用龍骨血竭收口

之藥恐毒氣未盡後必復發為患匪輕若久不合口其肉白

而膿少者此氣血俱虛不能潮運而瘡口冷澁也每日用艾

葉煎湯避風熱洗及燒松香烟薰之或用猪蹄湯洗之更以

神異膏貼之必須守禁忌服補藥乃愈

神異膏 治一切癰疽瘡毒及收口甚效此瘡瘍中第一方也

麻油一斤

黃丹三兩

黃芪 杏仁

元參各五錢

蛇脫三錢

卷之十九 瘡科

男髮 用半雞子  
大一團

蜂房 子多者  
佳五錢

先以黃芪杏仁元參入油

煎至將黑乃入蛇脫蜂房亂髮煎至焦黑去粗徐下黃丹慢

火再煎滴水成珠為度

論瘡宜用香藥

凡氣血聞香則行聞臭則逆况瘡本腥臭又聞臭觸則愈甚宜間用香散之藥為妙

治瘡始末皆宜

萬金散 治瘡疽已潰未潰者有消毒破瘀之功

括蕁 一個  
打碎 甘草節 二錢 沒藥 一錢  
另研 用酒煎前二味後入沒藥服

丹溪曰腫瘍內外皆壅宜以托裏表散為主如欲用大黃寧

無孟浪之非潰瘍內外皆虛宜以補接為主如欲用香散未

證論治宜因

免虛虛之失。

論疽潰後  
脉證吉凶

凡癰疽膿潰之後。脉微澁遲緩者。邪氣去而真氣將復也。爲易愈。若沉細而直者。裏虛而欲變證也。若膿血既去。則當脉靜身涼。腫消痛息。如傷寒表證之得汗也。若反發熱作渴。脉洪數者。此真氣虛而邪氣實也。死無疑矣。

論瘡瘍勿  
早食肉

立齋曰。瘡瘍食肉。乃自棄也。瘡瘍之毒發於榮氣。今反助之。與自棄何異。雖用藥施治。亦不能愈。景岳曰。惟熱證及疔毒陽癰。則不可犯。至若榮衛大虛。而毒不能化。肉不能長。凡宜滋宜補等證。可少食之。若牛肉雞鶩醇酒。及傷脾助濕等物。所宜忌也。

瘡科

治一切瘡毒

太乙膏 一切瘡瘍並宜貼之先用隔蒜艾炙更服活命飲方載

前以收全功 當歸 生地 白芍 元參 大黃各二兩

甘草四兩 用麻油二斤入砂鍋煎藥至枯黑去粗加黃丹三

兩再煎至滴水成珠為度忌鉄

治瘰癧爛及湯火傷

神效當歸膏 治一切瘡瘍潰爛及湯火疼痛等證

當歸 生地各二兩 白蠟一兩 麻油六兩 先將當歸地黃各一

兩入油煎黑去粗又將二味入油煎黑去粗乃入蠟溶化候

冷攪勻即成膏矣用塗患處以紙蓋之如有死肉須用利刀

脩去去腐生新其效如神凡洗拭換膏須預脩即貼之以新

外治一切  
瘡毒始末  
俱效神方  
也

肉畏風故也。此藥生肌止痛。補血續筋。故與新肉相宜。煎膏忌鉄。宜用砂鍋之類。

### 烏金膏

治一切癰疽潰爛。中央肉死塗之即腐。未死塗之即

生。若初起腫痛。用點數處。則解毒腫消。若瘀肉腐黑。塗之即

潰。若毒氣散漫。中點外赤。不腐不潰。內服大補之劑。中塗三

四寸許。至五六日間。中央漸潰。漸脫。內用純陽之藥。以接元

氣。自能收斂。若塗涼藥。則毒氣不解。無益而有害也。

巴豆

不拘多少

去殼炒黑。研為膏。點腫處。或塗瘡肉上。則自消化。

或加乳香少許。更妙。惡瘡頑瘡。中有毒根。久不收斂。以少許

治瘡毒初起先為疏通

經其內即化而愈。或加香油少許調稀可用。此方簡而效為功不小。

加味羌活湯

治瘡瘍腫痛寒熱頭痛身痛脊強脉浮緊者初

宜疎通表散。

羌活

防風

蒼木

各一錢

白芷

川芎

生地

黃芩

甘草

各錢半

北細辛

三分

連翹

二錢

金銀花

錢二

姜連引熱服取汗如有汗去蒼木加白木渴者加葛根石膏

治瘡瘍始末神效

瓜蒞托裏散

治瘡瘍毒盛者未成者消已成者潰既潰者斂

瓜蒞

一個杵碎

忍冬藤

乳香

各一兩

蘇木

五錢

沒藥

三錢

甘草

二錢

酒煎日三服

治毒護臟

蠟礬丸

治一切癰疽托裏止痛護臟腑勿使毒氣內攻老少

治一切大  
毒神方

皆宜。黃蠟一兩。溶開。離火。入生白礬末一兩。為丸。用熟水口

進三服。各四五十九。至三四兩之上。其效自見。或止用白礬

末為丸。以葱湯送三錢。三五服後。再服仙方活命飲二劑。諸

惡毒自愈。若服金石毒藥發疽者。尤效。

奪命丹。治疔瘡發背等大毒。或麻木昏憤。或嘔吐寒熱。俱證。

服此者。不起者起。不痛者痛。痛者止。昏者甦。未成者消。已成

者潰。乃惡證中之至寶也。

蟬酥酒化

輕粉各五分

麝香各五分

枯礬

寒水石

銅綠

乳香

沒藥各一錢

硃砂三錢

蝸牛無亦可

右為細末酒糊



治瘡毒實證

以下三方次第以洗潰瘍

丸綠豆大每服二三丸温酒葱湯下或用葱白三四寸病者白嚼爛吐於手心包藥在內熱酒送下如人行五里汗出為效重者再服一二丸或外用一丸入瘡孔內以膏藥貼之

宜毒散 治癰毒在臟脉實便秘若肝虛便調者不可用

大黃煨 白芷各五錢 水煎服此乃宣通攻毒之劑其功最大

雄黃解毒湯 治一切瘡毒潰爛先用此洗三次以後用猪蹄

湯 雄黃一兩 白礬三兩 寒水石煨兩 共為末用滾水二碗

乘熱入藥末一兩洗患處冷則温熱再洗以神異膏貼之洗時避風

猪蹄湯 亦治前證 白芷 白礬 當歸 赤芍 獨活

甘草 露蜂房 連子者佳 各五錢 用猪蹄一隻水四碗煮之去油

取清湯入前藥一分作四分分開前十數沸去粗温洗惡肉

隨洗而下即用前膏貼之

集香散 亦治前證 白芷 藿香 茅香 香附 防風

甘草 各三錢 木香 一錢 用水三碗煎就去粗洗患處。凡血氣

聞香則行聞臭則逆彼瘡將盡未盡宜用之洗後速用膏藥

貼之直至收斂為度忌用生肌之藥

乳香定痛散 治瘡瘍潰爛切痛諸藥不效者

正滑瘡疼

乳香 沒藥 各二錢 寒水石 煨 滑石 各四錢 冰片 一分 為細

金匱要略 卷之十一 瘡科

治膿成白潰

末敷患處痛即止此方乳沒性溫佐以寒劑制之故寒熱之痛皆宜

替針丸 治膿成不潰者 白丁香即麻鵲屎 硃砂 沒藥

乳香各一錢 糯米四十粒先以礬灰拳大一塊置碗內量入水

熱氣出以米排入灰中良久候米如水晶狀取出用之如未

就再用灰製各研末後和勻收貯用時以飯丸麥粒大用一

粒水濕安瘡頭上其膿自出若附骨疽及緊要之地當及時

針砭出之為善下有單方

生肌散 治瘡口不合 木香 輕粉各二錢 黃丹四錢 枯礬

三錢共為細末用猪胆汁拌勻晒乾再研細搽患處○立齋曰

解毒以生肌肉

取口搽藥

此方乃解毒去腐搜膿之劑。非竟是生肌藥也。蓋毒盡則肉自生。嘗見患者每用龍骨血腸之類以求生肌。殊不知餘毒未盡。反生腐爛耳。若此方誠有見也。

又方 治膿止。若生肌時。用鯽魚去腸實。以羯羊糞烘焙為末。

搽之。瘡口自斂。

治肺癰

桔梗杏仁煎 治肺癰吐膿腥臭。或痰中帶血。或胸膈隱痛等

證 桔梗 杏仁 甘草 阿膠 金銀花 麥冬

百合 夏枯草 連翹 貝母 枳殼 紅藤

各二錢

各三錢

各一錢

各三錢

水煎服。如火盛兼渴者。加花粉。此證因汗後傷風入於肺。

先治肺癰

繼治肺癰

變成瘡疽其脉右寸數而虛者肺痿也數而實者肺癰也微緊而數者未有膿也緊甚而數者已有膿也脉短而濇者易治浮洪而大者難治面色當白而反赤者火剋金皆不可治

小青龍湯 治肺經受寒咳嗽喘急將成肺癰先服二劑

麻黃 去節五分

桂枝

白芍

甘草 各八分

乾姜 炮五分

半夏

一錢 五味 十一粒 水煎熱服

葶藶大棗瀉肺散 治咳嗽胸脹氣喘面浮已成肺癰繼用此

方 葶藶 炒研三錢

大棗 十枚去核

水煎先入大棗煎就去棗

後入葶藶煎十餘沸食後服

治腸癰

八味排膿湯 治腸癰小腹脹痛時下膿血脈滑而數身痛

錯等證

黃芪

炒

當歸

酒拌

金銀花

川山甲

蛤粉炒

白芷

防風

連翹

瓜蒌

各二錢

水煎服

或為末

每服三錢

蜜湯調下如膿將盡去川山甲連翹倍當歸加川芎

治乳癰及一切大毒

神效瓜蒌散

治乳癰

及一切大毒

初起腫痛

即消膿成

即潰

膿出即愈治癰之方甚多獨此方神效治瘰癧尤效凡屬癰

毒皆宜用之

瓜蒌

一個爛研

當歸

酒洗

甘草

各五錢

乳香

沒藥

各一錢

酒煎服

如不能飲酒

加水煎數劑

後宜服補

氣血

之藥

槐花散

治腸風臟毒下血

治腸風下血

槐花炒 熟地 青皮 白朮 荊芥穗 當歸身 升麻

各一錢 川芎四分 水煎服。或為末。每用三錢。米湯調下。○又方。

棕同柏葉燒灰存性。搗飯糊為丸服。

治痔漏下血

痔漏腸紅方 其效無比 黃連一兩酒浸陰乾 百草霜一兩用茅柴燒者佳

烏梅肉一兩酒蒸 共搗為丸如乾。加前浸連之酒。每以酒下四五

十九。三日見效。十日全愈。

治疔瘡

隔紙膏 治疔瘡神效 黃芪研末五錢 輕粉 乳香 沒藥

銀硃各一錢 血竭五分 銅綠二分 共為細末。真麻油調成膏。攤

油紙上。再用油紙一層。以針密刺孔。掩膏藥上。貼之。一日一易其膏。

治痔下血

猪臟丸 治大便痔漏下血

猪大臟一條 治淨

槐花炒為末二兩 或用黃

連二兩 為末

入臟內兩頭札定瓦器內米醋煮爛共搗加糕糊為

丸每服五十九米飲下或當歸酒下

治法詳本門

○又方用鯽魚

去腸以五倍子末填滿煨研末酒服一錢

用牡礪粉茶調服或用貝母為末服

頸核

備揀古來治諸瘡毒至簡至穩神方於後以便取用

癰疽惡瘡

雄黃錢半

杏仁三十粒 去皮

輕粉錢一 冰片少許

共為末以雄猪胆汁調

塗仙方也○又方凡大毒十日內宜服護心散使毒氣出外

若內攻則嘔逆不食而危矣真菘豆粉二兩乳香一兩燈心末三錢



先漿之焙乾研末後以水洗去漿布濾用甘草煎濃汁調錢服至一兩則香徹

瘡口而愈○又方毒初起及收斂時用遠志肉米泔浸為末

酒調錢服以滓敷患處○又時行斑瘡一身忽如火傷決之

復起此惡毒也以多蜜炒升麻水煎多服并以升麻煎水洗

之○瘡腫焮熱大痛大黃末醋調敷之燥即易數次即退○

癰腫無頭蚕繭燒灰酒服一枚即出一頭而自破○大毒濕

瘡痛而不癢粘不得衣被以菖蒲研末一斗布席上卧之覆

以被三五日自愈○惡瘡初起搗蒜加麻油厚敷乾即易之

救人危急○諸瘡久不瘥者用鯽魚燒研和醬汁塗之○癰

疥瘡

疽不起發。頭陷黑黯。不熱不痛。服補藥不效。用人牙煨川山  
甲炙各二錢爲末。以當歸麻黃煎酒作二次調服。外以姜汁  
調麩敷之。○大毒用雄雞冠血塗之。

疥腫垂死。菊花一握。搗汁入口。卽活。冬月採根用。其效如神。○

又方以艾燒灰淋汁。加石灰少許爲糊。先將針挑破。至血出。

乃點藥三遍。其根自拔。○又方蜜與葱搗爛。先刺破瘡頭。塗

之一時。毒出以熱醋洗之。○又方刺破瘡上。以人糞熱封之。

乾卽易。一日除根。○又方內服十全大補湯。加生黃芪五錢外

用蒜切片安瘡上。以熟艾炙之。三壯易。蒜或毒重肉木炙至

破癰方

肉痛方任少頃再灸明日又灸。搃以數十壯。幾百壯為妙。若頭上生毒。艾壯宜小。此法最效。百不誤一。凡一切惡毒俱宜。

用此法即瘡潰時亦當用。此條已詳前灸法門

用初生絲茅針。酒煮服之一針一孔。大奇。又方。白雞翅下兩邊第一毛。燒灰酒服。即破。又方。以麻雀屎。揀兩頭尖者。是雄屎。加脂麻數粒。搗敷。即穿。

多骨疽

蛇詹為末。桐油調貼。即愈。

紫白癩風

貝母南辛等分研末。生姜擦之。又方。以生姜擦動。醋磨貝母。擦塗之。若白癩風。川白蕪藜六兩。研為末。每湯水調服二錢半。

梅瘡

月白處變紅一月斷根神效。○又方用附子硫黃為末姜蒜

調勻茄蒂擦之。○又方水銀輕粉用姜汁擦之。

用土茯苓一兩苡仁銀花防風木瓜木通白蘚皮各二錢皂莢子四分

一日二服忌茶牛羊一切發物。即前誤服劫藥變成痼疾多

服自愈。氣虛加沙參淮藥血虛加當歸有熱加芩連。此外不

得再加此方最穩而效。或止用土茯苓四兩皂莢子七個水煎代

茶飲。○外用輕粉大楓子肉等分為末塗之。○又方用輕粉一錢

雄黃硃砂各二錢槐花炒皂版各一兩為末糊丸每服一錢日二服

冷茶下七日愈。○又方用輕粉胡桃肉槐花炒紅棗肉各二錢

醫方考卷之十七 瘡科

腫毒初起

搗爲丸分作三服。一日雞湯下。二日酒下。三日茶下。五日瘡  
乾。七日落痂。○又方。大楓子燒和麻油輕粉研塗。以楓子殼  
煎湯洗之效。

用醋或猪胆汁磨墨厚塗之。○又方。用灶心土搗蒜和敷之。○  
又方。鹿角醋磨塗之。○又方。搗大蒜加麻油厚敷之。乾則頻  
易神效。○又方。用芥菜子柏葉搗敷。○又方。用木鱉子醋磨  
塗之。○又方。大黃爲末醋調塗之。乾即易。○又方。五倍子醋  
煮敷之。○又方。馬齒莧搗敷。○又方。葛藤燒灰水調塗之。○  
又方。芙蓉花或葉或皮搗敷。○又方。肥皂搗爛加醋敷之。○

又方用騰黃醋磨頻塗但毒入用當小心。○又方用水調牡

蠣粉敷之拔毒而消。

赤斑瘡痛

用殺羊角燒存性研末以雞子清調塗之。

癩癧不斂

用松香末一兩白礬三錢為末麻油調搽。有治法詳本門

男女下疳

用母猪糞黃泥包煨存性為末先以米泔洗淨搽之立效。

下疳瘡

礪耳石煨醋淬七次。五錢兒茶半錢研末麻油調敷。○又方輕粉摻

之即痂落而愈。○陰頭生瘡以蜜煎甘草塗之。○又方五倍

子花椒皮炒各一錢細辛三分為末先以葱湯洗淨摻之。下疳亦用○內

服槐花蕊一二升毒從小便出。愈時身發紅斑一二日無害永不復發

外科

魚口瘡

瘡贅

脚瘡

未成膿五倍子炒百草霜等分共為末以醋調塗之立消

用艾炙七八壯炙時一痛甚即易之再炙○又方於瘡贅未甚

大時取蜘蛛絲撚成粗線纏扎其根數日其絲漸緊諸絲日

日瘡根漸細屢易之自落誠奇法也

用礬其石三錢研細末以麻油半盃煉熟下之再煉將黃色再下

黃丹研細末二錢再煉滴水成珠便止傾於碗內收貯用時以

油單紙攤鉄器上下以火燒熱挑膏藥於紙上乘熱易開貼

患處先須以鹽茶洗淨中安燈心一根引膿水下流然後以

膏藥貼之不久頑瘡立愈等用悉效

大風癩瘡

用大黃一兩皂角刺一兩共為末酒下即下毒物如魚腦再服再

下如亂髮之虫後服雄黃花蛇丸名通天再造散

濕瘡疥癬

用松脂少入輕粉細研先以麻油塗之次搽藥一日即愈

瘡口不飲

五倍末醋調塗之。又方用絲瓜藤根煎水塗之。又方用鯽

魚燒灰和醬塗之。又方用石膏燒研二兩黃丹五錢搽之生肉而愈

香辦瘡

此瘡生面上耳邊浸淫流水用殺羊鬚荆芥炙肉各二錢燒灰入

輕粉四分再研麻油調塗二三次愈口吻瘡同治。又方用鼈

甲燒灰搽之妙

用螃蟹搗爛塗之。又方用杉木煎湯洗之俱效

漆瘡

竹

卷一百一十一

瘡科

瘡科

三



便毒便癰

乾疥

消風湯

瘡口不斂

用穿山甲五錢猪苓二錢並以醋炒研末酒服二錢愈

用硫黃三錢花椒半錢水粉大楓子肉木鱉子肉各錢二分共研末新猪

脂搗擦三四次痊內服下消風湯二劑

用治乾疥極癢及一切瘡腫熱癩赤芍半錢生地二錢荆芥白芷

銀花羌活獨活連翹甘草防風各錢水煎服如熱燥加黃白

苦參如面上頭瘡加川芎白附各錢北細辛三分

立效湯新凡遍身瘡痛悉膿汁盛滿服之即膿乾立效

生黃芪三錢白朮半錢當歸身二錢小川芎五分白芷蒼朮各錢二分淨銀

花半錢茯苓甘草各一錢車前子去殼八分痛甚加生地二錢枰足分

砂核外治

量水煎服大瘡悉愈。或小者復出多服斷根。

凡小兒至熱天遍身砂核癢燥不安甚則三粒五粒變成熱癩。

用赤芍、大黃、黃白、苦參、各二錢、連翹、荆芥、銀花、甘草、各一錢、蒼朮。

錢半、羌活、獨活、黃芩、各二錢、共研末。每用二錢蒸濃水半盃乘

熱遍塗三四次即愈。甚則加黃連半錢更效。此予屢試之方也。

用之最妙。亦慈幼之一端也。

用青礬為末。搽之即化為水。

用酸石榴皮、蘸明礬末擦之。若用醋。虫即沉下。

凡癩疽大毒。速用真綠豆粉。一錢、兩錢、五錢、燈心。用漿焙乾研末。

瘡中有蛆

牛皮癬

護心散

卷之六 瘡科

血風濕瘡

天泡瘡

腎囊風

以生甘草煎濃汁調一錢服至一兩香徹瘡口而愈否則毒

內攻或不食而嘔則危矣

用陳石灰研末搽之即愈

用蚕豆殼燒灰水調塗之

用蓬砂爐甘石銀珠白蠟

各四分

為末忌鉄以麻油半小盃入藥

熬化待冷塗之即愈然後於囊下逢中燒桐油燈火一路三

壯斷根。又方用柴胡當歸車前子木通胆草黃芩甘草澤

瀉梔仁

各錢半

水煎服後以本滓加黃連黃柏各一錢牡礪粉一錢

煎水洗隨用鳳凰殼

即抱雞出雛蛋殼一錢

冰片

一分

大古勇青黛

各二分

丹斑

湯火傷瘡

輕粉八厘共研末擦三次立愈。屢試屢驗。○又方蛇床子錢五生

白礬錢三煎水洗後用黃丹枯礬生牡礪共為末擦之。○又方

胡椒煎湯洗之。○陰濕諸瘡用蛇床子二兩朴硝一兩煎水洗。

陀僧錢三水粉花椒各錢半海螵蛸錢一硫黃錢三共為末以生姜蘸藥

擦患處三次愈。但先用連翹去間四錢酒煎服斷根。

梔子仁研末蜜調塗之。○又方大黃研末蜜調塗之。○又方杉

樹皮燒灰雞子白調塗之。○又方絲瓜葉搗敷無生藥用乾

葉研末蜜調塗之。○又方綠豆播濃漿塗之。○又方井底泥

敷之。○又方石膏末敷之。○又方生桐油調人中白敷之。

丹斑 湯火傷瘡 輕粉 白礬 胡椒 陀僧 水粉 花椒 海螵蛸 硫黃 梔子仁 大黃 樹皮 雞子白 絲瓜葉 綠豆 井底泥 石膏末 生桐油 人中白

金瘡跌傷

用劉寄奴草搗敷止血立愈。○又方不拘柴燒枯炭研末乘熱

深擦之血止不痛忌水浸洗但面上勿用恐有黑印。○又方

嚼三漆敷之再嚼一錢米湯下有瘀血即化。○跌打瘀血積

痛。大黃一兩酒蒸杏仁七粒去皮雞鳴時服之血下即痊。○紅紫腫痛

大黃末姜汁調塗妙。○打扑瘀痕水調半夏末一錢之。○跌閃

出骨蚕砂四兩綠豆粉四兩俱炒。○枯礬二錢為末醋調敷之。○定日換

一次忌學婦見之三次愈。○又方骨碎生蠟搗沖酒服外以

滓敷之扎定少頃細聽骨接有聲神妙。○金傷腸出以乾人

屎末抹入取桑根皮分線縫合以熱雞血塗之。○止血合口

丹毒

用五月五日取金櫻子桑葉葶藶餅陰乾用時研末敷之  
名軍中一捻箭。凡跌打痛腫用葱和蜜搗敷立效。飲童便妙。  
跌打損傷垂危者用蛆蚓煎酒服神效。

遍身瘙癢或生癰疹此血熱或血虛以生風也用上消風湯或  
加黃連如老人婦人加當歸白芍如身熱加青蒿。又方用  
苦參為末皂莢煎濃汁丸服。又方以石灰醋和塗之隨手  
即消。

癩脛瘡

人乳桐油等分。和勻以鵝翎掃塗神效。

菴夾棍傷

用生姜 陳酒糟各一斤 同搗爛。罨傷處。

卷之二十一 瘡科

肥瘡

小兒頭面患瘡膿汁作癢痂厚不落用松香枯礬官粉黃丹分

為末麻油調敷若作癢出水水到即潰若用綠豆松香為末

麻油調敷○又方以益元散加枯礬少半以麻油調敷大妙

內服荆黃敗毒散二服

用銅錄末敷○又方用枯礬黃丹摻之

脚指纏癢

### 久病睡法

人有久苦床第者身上骨高處或磨去皮或磨去肉實在有不  
安於睡者祇得厚鋪絮褥亦覺無益余有一法床上之草要四  
五寸厚將於睡處之處攤開二寸濶上面仍奮安蒲安褥將患  
處恰安空濶席早坑上自覺相宜即無病瘼人有骨高處亦如  
此睡法最妙

羅氏會約醫鏡

痘科目錄

論治痘宜因虛實

論治痘重在氣血

論治痘勿輕用寒涼

論痘實熱亦宜微解

辨痘證

看痘吉凶

以後治痘初熱數日內方論

治痘體實初熱

治痘體弱初熱

治痘汗後燥熱

腹痛 治感寒停食腹痛吐瀉

論腹痛有停食毒氣不同

吐瀉

治虛寒嘔吐

治胃虛泄瀉

論此種吐瀉不須治

驚搐

治毒盛驚搐

治感風寒驚搐



治痘前體虛驚搐

論毒內畜似驚

論痘始輕不可忽視

論逐毒之法

治痘厚而枯黑者

治穢觸痘陷而癢

治外感起風

察出齊法

論猪肉不得早食

以後治痘成膿數日內方論

論痘齊順候

論人生死係膿之有無

論膿之所以不成

治毒盛枯焦無膿

論黑陷更險

治虛弱無膿

治證同上

論白陷灰陷

治痘成血疱

治虛火上炎

論此證禁用寒涼

吐瀉

各有二端

兼大便秘塞身涼出汗

治毒火上騰而吐 治胃虛寒而吐 治熱泄 治虛泄

治虛泄之甚者 治大便熱秘 治虛汗 治痘喉瘡

治痘膿時潰爛 治痘實而癢 治痘虛而癢 治痘成膿昏迷

以後治痘收靨數日內方論

治食少痰甚 治寒戰咬牙 治痘虛不靨 治痘有毒不靨

治痘收時熱毒腹痛 治痘後熱甚將發癰疽 治痘後虛熱

以後統治痘證方論

論治痘重出 論治小痘攢出成塊 二方合治上證

論治賊痘 二方合治賊痘 二方合治賊痘變水泡

治痘夾斑丹

治痘夾麻疹

治痘倒陷

治痘痛

治痘齊後頭面腫脹

治痘疔

治痘臭爛

治鼻血

論治水泡

論治失聲

論氣血虛弱

治痘後目病

治痘初熱煩燥

治痘一切夾證

治痘密身熱

論治孕婦及生產出痘

痘瘡脉論

論脉

稀痘神方

以下治痘雜證

出痘時當避

當禁

論麻與痘不同治法亦異

論麻證重輕

治表實麻疹未現

治體虛麻疹未現

通治麻疹未現

通治麻疹已現

治麻出一切熱證

治麻色淡白

治麻色紫者

治熱邪咳嗽

治麻後咳嗽

治麻後咳嗽餘熱

治麻色焦黑

治麻熱泄

治麻前吐泄

治麻後餘熱

治麻後餘毒上攻眼目

治麻陰陽兩虧

論用寒涼之害

治麻虛虧陽盛陰伏

治麻毒成痢

治後重

治口瘡牙疳

口瘡牙疳搽藥

治麻毒喉病

治麻後體瘦氣虛

治麻一切熱證

論孕婦出麻

治孕婦麻疹初熱

羅氏會約醫鏡卷二十

湖南整齋羅國綱振占氏著輯

俊賓初氏

胞弟羅國興盛世氏校定

英冠羣氏

男定 鴻 泰 編次

論治痘宜  
因虛實

夫痘瘡者天瘡也其胎毒內藏一因時氣觸動其毒傳染相似

痘科 全書繼出先錄緊要  
病證方論以便取用

痘科

治痘重在  
氣血

論治痘勿  
輕用寒涼

故謂之天瘡。調治得法，百無一失矣。此證關係甚重，不可不明晰也。古來治法，有各執一見，不如因人之虛實，隨證施治，為妙。

經曰：瘡瘍屬心火。宜以寒涼治也。若痘瘡則不然。毒伏五臟，全賴氣血送毒外出。氣血足，運化而成膿，收結而成痂。治終無虞。若氣血不足，當隨時調補，不得少踈。少緩，若稍失治，則不及矣。

古用犀角地黃湯，瀉心火以解毒。不知痘瘡正藉火以運用，陰血而成功耳。若無火，則血凝滯不行，何以成膿而結痂乎。倘血氣與毒氣俱盛者，脈必洪數。痘初出，即帶紫黑，或既出而稠密紅紫，內證則煩悶燥渴，小便赤，大便秘，此屬實熱，宜用

論痘廣熱  
亦宜微解

辨痘證

清涼以解毒。量入酒炒大黃微利之可也。若毒氣盛而血氣  
衰者。於解毒藥中加歸芪參朮以活血養氣。乃爲顧本良工。  
痘疹發熱。大抵初時與傷寒相似。然傷寒之邪由表而入。治宜  
發散。痘疹之毒由裏而出。治宜宣托。疑似之間。觀心窩有紅  
色。耳後有紅筋。目中含淚。或身熱。手指皆熱。惟中指獨冷。男  
左女右。知是痘也。

看痘吉凶

凡初看痘。以油紙撚照其顆粒。次以手摸其面頰。如紅色。隨手  
轉白。隨白輕紅。更看耳後筋紅而無紫色者。謂之血活。其痘  
必順。復察脈息。握小兒之手。而單以拇指診之。發熱之脈必



滑數但微見滑數有神而不失和緩之氣者其痘必輕而少。若滑數加倍而不弦不燥者其痘必多而重尚亦無害。若滑數之甚又兼弦燥無神而全無和緩之氣者其痘必甚而危。此可以預知吉凶之真諦也。再看形色其證更明。形屬氣之充色屬血之華。故形貴尖圓起發若痘皮厚硬而平瘍者凶。色貴光明潤澤根窠紅活而慘黯昏黑者凶。然形有起發而或致變者由血不紅活故耳。然血以紅活爲貴而猶有圈紅。暝紅。甫鋪紅之別。圈紅者一線淡紅緊附於根下而無散漫之勢。吉之兆也。暝紅者血難以附而色不聚險之兆也。鋪紅者

痘色與肉不分界限平鋪散漫凶之兆也。蓋根窠者血之基。膿者血之成。故六日以前專看根窠。若無根窠必不成膿。六日以後專看膿色。若膿少色枯必不結痂。其變幻有不可測者矣。醫者宜詳察之。庶無遺患。

以後治痘初熱數日內方論

治痘體實  
初熱

加味升葛湯 治小兒體熱壯旺者用此升發。即外感亦效。

乾葛 錢一

升麻 八分

赤芍 六分

甘草

桔梗

防風 各四分

蘇葉

小川芎 各五分

山查肉 八分

牛旁子 炒研四分

生姜 五分

水煎熱服。覆被微汗。汗後切忌風寒。鹽蘆。

治痘體弱  
初熱

加味參蘇引 治小兒體熱怯弱者用此升托即外感無妨。

人參

三分少者或以山藥三錢炒黃代之

川芎

桔梗

前胡

陳皮

甘草

茯苓

各五分

乾葛

八分

半夏

四分

一勞子

炒研四分

山查肉

六分

生姜

五分

水煎熱服覆取微汗汗後切忌風寒

搥葷如汗後熱不退姑少待之切不可用黃芩柴胡等清解

之劑此時若誤用一服解虛其表後即補助漿亦不行凶患

莫測若既見紅點再用升葛則痘必枯焦而癢塌矣蓋痘癢

以裏為根以表為根基穩固庶中後無虞

治痘汗後  
燥熱

敗毒和中散

治小兒痘瘡服前方微汗後熱甚煩燥口渴妄

語等證

連翹

牛旁子

黃連

酒炒各七分

枳殼

八分

防風

前胡

木通

各五分

荆芥

紫草茸

酒浸

蟬退

去頭足

升麻

小川芎

甘草

各四分

麥冬

八分

水煎服人大加倍如大便

秘澁者加大黃

酒炒一錢

微利之不秘者勿用如腹痛腰痛者

此毒氣誠重痘毒出外其痛自止切不可用純涼以阻遏其

毒出之勢而使之內攻也亦用此湯治之自愈

### 腹痛

升消平胃散

治痘發熱之時有偶感風寒飲食停滯以致腹

治感寒停食腹痛吐瀉

痛吐瀉

川芎

香附炒

蒼朮

紫蘇

厚朴

姜炒各七分

論腹痛有  
停食毒氣  
不同

吐  
治虛寒嘔

藿香

梗連葉而  
香者真

砂仁 研

白芷

陳皮

去白各  
五分

麥芽

六分

山查

八分

甘草

三分

水煎熱服

要知停食腹痛與毒氣腹

痛不同。停食痛者多急。疾在臍上。面白唇淡。手足冷。毒氣痛者稍延緩。有作有止。在臍下。或連腰痛。面紅唇紫。手足不冷。須辨明方可用藥。

吐瀉

參砂和胃散

治胃虛寒不食。或食即吐。面白唇淡。精神倦怠。

等證

人參

砂仁

半夏

各六分

白朮

茯苓

各一錢

藿香

陳皮

甘草

各五分

煨姜

去皮

一錢

同煎

瀉 治胃虛泄

木苓調脾散

治脾氣虛弱飲食不化而泄瀉者

白朮

茯苓

各一錢三分

白扁豆

姜汁浸去皮炒八分

白芍

酒炒八分

甘草

炙

神麩

炒各五分

砂仁

香附

厚朴

姜炒各四分

煨姜

紅棗

引

論此種吐瀉不須治

有毒氣從吐瀉而發泄者吐則有聲泄則色黃甚臭胸腹不痛神氣不倦或四五次即止者此為順候不必治若虛寒者則異是

驚搐

治毒盛驚搐

清解散

治痘發熱二三日毒氣壅盛於內不得驟發於外面

赤唇紫口氣粗手足熱脉浮數而驚搐狂燥者

防風

荆芥

蟬退

桔梗

小川芎

各六分

前胡

乾葛

治感風寒  
驚搐

治痘前  
虛驚搐

升麻 各七分

黃芩 黃連 俱酒炒 各八分

紫草 牛旁子 木通

各六分

連翹

山查肉 各八分

各八分

甘草 四分

四分

生姜 五分

五分 同煎温服

蘇解散

治痘毒本盛外為風寒所束鼻寒聲重脉浮數而驚

搐狂燥者

即前方去芩連加紫蘇白芷羌活 各五分

生姜六

分引然此證多在寒冷之月或不謹避風寒者然後有之

温中益氣湯

治痘前虛弱三四日內送毒氣不出驚搐狂燥

或痘影淡白者用此托之

人參

白朮 各五分

各五分

生黃芪 一錢

一錢

當歸身

茯苓 各八分

各八分

甘草 炙

川芎

白芷

防風 各五分

各五分

南木香

肉桂 各二分

各二分

論毒內畜  
似驚

山查內分七

生姜五分。大棗二枚去核。同煎一服。中病即止。

凡痘發熱二三日內全無痘影而發驚搐。此毒盛未魯。宜發所致。勿作驚治。若用寒涼阻遏毒氣。不得外出。逼之內攻。須臾告變。宜用前照證宣發。痘出而驚自止矣。

論痘始輕  
不可忽視

凡發熱三四日和緩神爽食常出痘必少。若已見痘尖圓紅活。漸漸長大。此為毒輕。痘少無疑矣。若熱輕而嗜卧不思飲食。或痘影淡白點粒不明。勿謂痘輕亦是血氣虛弱。送毒不出也。急用溫中益氣湯托之。甚者速服二三劑。痘始出齊而自多。若因安靜而不急托。延至五六日毒氣內攻而不可救矣。

痘科



論逐毒之法

溫中益氣湯方在上

凡治痘於五六日之內急於逐毒不可解毒實熱者宜發其毒以出外虛寒者補助氣血以逐毒出外

治痘厚而枯黑者

調元化毒湯

治痘出稠密或乾枯而紫黑者或成片而不分

顆粒者屬氣血凝滯急宜活血養氣以送毒出外也

生黃芪八分

人參

白芍酒炒

紫草茸

當歸各六分

牛旁子

連翹各七分

黃芩

黃連酒炒各八分

防風

桔梗

荆芥

前胡各五分

紅花酒炒三分

生地酒浸

甘草各四分

蟬退

山查肉四分

生姜三分水煎溫服如腹痛去參芪加枳殼

治穢觸痘  
陷而癢

治外感起  
風

炒八分如大便少秘加大黃一錢五分微利之去參芪如血氣與  
毒氣俱旺而脉洪數者歸芍減一分去參芪如身熱大便燥  
而出不快者去參芪加小川芎錢一

平和湯 治邪穢所觸伏陷而出不快者其短必癢

人參 當歸 桔梗 白芍 紫蘇 黃芪各六分 防風

白芷 甘草各五分 肉桂 沉香 檀香 乳香 藿香各三分

分 生姜一片水煎服外以蒼朮紅棗沉檀等燒烟以辟穢

姜附湯 治痘正出時為風邪所襲忽然傳風眼目直視牙關

緊者勿用驅風峻藥

察出齊法

論猪肉不得早食

論痘齊順候

論人生死係膿之有

白附子 老生姜 搗碎各二錢 濃煎湯灌下 一酒盃出微汗 愈

凡脚心有痘則知出齊若稀少者不必拘此以身不熱為出齊

凡痘出齊而身不熱方可食猪肉若熱未退而食肉以助邪火

必成大患怯弱者當起脹時可食雞以助行漿壯旺者忌之

至於諸魚牛羊痘家最忌

以後治痘成膿數日內方論

凡痘見三日後身和神爽顆粒圓潤根脚紅活胸背稀疏飲食

如常二便不澁此順候也不必服藥但節飲食避風寒防穢氣而已

凡痘出齊後總要膿漿滿頂方保無虞蓋痘之生死判於膿之

論膿之所  
以不成

治毒盛枯  
焦無膿

有無有膿則毒從外散而生無膿則毒留內攻而死此際稍  
忽後不及矣

凡人之氣血流暢則毒化為膿膿之不成其病有二毒氣熾盛  
則血燥而凝故不能運化而成膿元氣虛弱血寒而縮亦  
不能運化而成膿二者當分別治之毫不可混

清毒活血湯 治毒盛血燥不能成膿及數日不大便或紫黑

焦枯而頂陷等證

紫草茸 當歸 前胡 牛旁子 木通

各六分

黃芩

酒炒

生地 白芍 連翹 桔梗 黃連

酒炒各七分

甘草 人參

論黑陷更險

治虛弱無膿

各四分

分

山查肉

生芪

各八分

生姜

三分引

如煩燥者

去參芪

加麥冬花粉

酒炒各八分

如稠蜜紅紫而頂陷者

服之

立起

若甚

而黑陷受毒最深雖用之無益

參歸鹿茸湯

治氣血兩虛膿不充滿白陷灰陷等證

鹿茸

酒塗炙三錢

蜜芪

半錢

當歸

人參

各一錢三分

炙草

六分

生姜

五分

龍眼肉

三枚煎濃

入好酒合服如手足冷加木香

三分

丁香肉桂

各五分

如寒戰咬牙者肉桂加倍附子

八分

如泄瀉者

加白朮白芍

酒炒各一錢

木香

煨

丁香

各三分

參歸補益湯

新治證同上

人參

無者或以山藥三錢炒黃代之

蜜芪

二三

治證同上

當歸身二錢

白芍酒炒錢半

大川芎八分

肉桂七分

山查肉分

熟地二三錢或加糯米人乳

泄者不用好酒合服如氣虛癆塌不起

加穿山甲土炒六分或加白芷如血熱紅紫不起加紫草錢

半如胃氣虛寒多嘔者加乾姜炒用一錢或加丁香四分如

元氣大虛寒戰咬牙去白芍加附子錢半乾姜炒用一錢如

泄瀉加白朮錢半肉豆蔻一錢○但凡漿不足不濃者宜如

此補之若不補足後難收結黃芪宜生用不必加減

有痘密色白根無紅暈而頂陷者名白陷甚則轉而為灰陷

此氣血虛寒亦宜用此二湯

論白陷灰陷

痘科

治瘰成血 苑

參芪湯

治瘰氣虛不能統血故血泛溢而上僭氣位變成血  
瘰而不成膿若失治則氣愈虛而為血陷皆宜用此

人參

蜜芪

錢半

炙草

肉桂

各八分

生姜

五分溫服

○血陷

與紫陷相類。但血陷雖紅而不紫。紫陷屬熱氣粗身熱宜作  
實治血陷屬虛氣少身涼宜用溫補。

參麥清補湯

治瘰蜜毒重又氣血虛弱津液枯竭不能制火

以致煩渴咽痛鼻血難用大補者

人參 麥冬

酒炒一錢二分

花粉

酒蒸

生芪

各一錢

前胡

牛旁

子

炒各五分

生

甘草

炙甘草

紅花

酒洗

桔梗

白芍

治虛火上 痰

論此證禁  
用寒涼

治毒火上  
騰而吐

治胃虛寒  
而吐

酒炒分

白芍生用

生地各四分

當歸一錢

大川芎

山查肉各五分

生姜一片

龍眼肉三枚

溫服。遇此證此藥頻服。此證原因

氣血不能勝毒氣而然。若見其多熱之候。率用犀角地黃湯之類。涼血清火。愈損氣血。決無生理。

吐瀉各有二端

兼大便秘塞身涼出汗

梔連二陳湯

治吐酸苦而有聲。吐後反快者。此毒火上騰也。

黃連姜汁炒

梔子姜汁炮

茯苓

半夏姜水炒

陳皮

甘草炙各三分

生姜四分

同煎緩服。吐止即勿服。

參砂和胃散上方見

治吐有物無聲。不酸不苦。吐訖困倦。不思飲。

醫學



治熱泄

治虛泄

食此胃氣虛也宜用溫補以痘色淡白而不紅者

加味四苓散

治痘色紅紫大便熱泄而燥黃小便赤澀此毒

氣奔越也

猪苓

木通

各八分

澤瀉

赤苓

各七分

黃連

黃芩炒

車前子

去殼畧炒

牛旁子

各五分

燈心

八分

同煎食前服

參朮散

治痘色淡白脾胃虛寒大便泄而青白滑利不止者

白朮

一兩

人參

少者用山藥炒黃五錢代之

茯苓

砂仁

炒

甘草去皮

炙

薏苡仁

炒

白蓮子

去心炒

神麩

炒

山查肉

各五錢

肉豆蔻

麩包煨搥去油

柯子

煨取肉

廣陳皮

各四錢

南木香

三錢

研末每用錢二

米湯調服

兒有不肯服者入稀粥內和服亦可

治虛泄之  
甚者

七味豆蔻丸 治痘虛泄不止服參朮散兼服此丸為妙。

白豆蔻 去殼 微炒

柯子 煨取 肉

砂仁 南木香 白龍骨 煨各 五錢

赤石脂 煨七 錢

枯白礬 四 錢 共研細末。麪糊為丸。菉豆大。每用

米湯下三十丸。兒有不肯服者。將丸研碎入粥內服之亦可。

加減清毒活血湯 治痘起脹灌膿時。或六七日不大便而塞

秘 治大便秘

悶作亂者。此毒盛而秘也。紫草 當歸 各二 錢 前胡

牛旁子 各六 分 生地 白芍 連翹 桔梗 各五 分 黃芩

黃連 各酒炒 七分 甘草 四 分 山查肉 八 分 懷牛膝 二 錢 煎就入生

蜜半酒盃服之。如不通。加酒炒大黃 三 錢 微利之。如仍不通用。

汗

豬胆汁灌入穀道中即通終不可用芒硝生大黃大下之恐下後生變也。

歸芪湯 治身涼自汗屬氣虛也。

當歸身

錢五

黃芪

蜜炒 三錢

杏仁

炒研 二錢

水煎服。

耳枯化毒湯

治痘灌膿之時喉腫生瘡。

耳草

桔梗

射干

黃連

酒炒

牛旁子

炒各 錢半

水煎入竹瀝服。

散

治痘潰爛

滑石

二兩

耳草

錢五

共為末蜜水調敷。

湯

治痘膿成而忽然癢者此熱則生風其人必氣

不通

歸尾

赤芍

防風

各二錢

肉桂

五分水煎服。

瘡 瘡虛而

參其質表湯 治元氣素弱而痘癢者此危證也宜補劑加

風藥 黃芪蜜炒一錢五分 人參 甘草 肉桂 防風 白芷

各八分 當歸一二錢 川芎 桔梗 厚朴各六分 南木香三分

或加荆芥各五分 姜蚕各五分 生薑四分 同煎服如有觸犯穢氣而癢者

悉用紅棗或蒼朮或茶葉燒烟薰之外用絹袋裹小兒之手

免至搔破或先有破者若復膿成結痂可保無虞。外以荆

芥扎一大指大點燃於癢處點之患者自以為妙。

治痘成膿 時昏迷

寧神湯新 治痘成漿之時氣血外出自心舍空虛神無所依或

昏睡不醒口中喃喃狂言如祟等證此亦常病勿作慢驚施

治 人參 當歸 熟地 各二錢 茯神 石菖蒲 各一錢 棗仁

炒研八分 遠志 六分 炙草 五分 共為末。猪心血和為丸。辰砂水飛

為衣。燈心湯下

以後治痘收靨數日內方論

凡痘出八九日。膿漿充滿。顏色蒼蠟者。上也。若無他證。不必服藥。

養胃開痰湯 治痘膿少。至收結時。或身倦食少。痰液壅塞等

證。人參 或以山藥炒黃三錢代之 白朮 錢半 甘草 錢一 茯苓 半夏

各錢 白蓮肉 去心炒 山查肉 各八分 陳皮 去白 桔梗 各五分 生姜

七分 同煎。溫服。如口渴。去半夏。加麥冬 八分 北五味 研九粒 吐逆者

治食少痰

寒戰咬  
牙

加藿香砂仁

各四分

○灌膿時忌用木苓半夏恐其燥

也至此際可用

建中湯

治痘收時

寒戰咬牙者

此真氣外發而內虛寒也

人參

黃芪

蜜炙三錢

白朮

錢半

當歸身

錢八

大川芎

八分

附子

乾姜

炒微黑

肉桂

炙草

各一錢

丁香

五分

生姜

七分

濕服有謂

此證屬熱者必有實證實脈方可用涼此不輕見不得誤用

沿痘虛不  
屬

濕表調中湯

治痘當收結時身涼肢冷不能蒸熱回漿當屬

不屬此虛寒也宜補氣血而助之收結

即前方加茯苓

一錢

白芷防風

各八分

治痘有毒  
不屬

清表解毒湯

治痘發熱薰蒸而當屬不屬者毒未解也

治痘收時  
熱毒腹痛

地骨皮 麥冬

花粉 酒炒各八分

牛旁子 連翹

當歸 各六分

猪苓 澤瀉

黃芩 酒炒

木通

甘草 各五分

水煎溫服

有用砂糖半酒盃開水調服能令熱退痘收亦好但毒盛者不效

消毒散血湯

治靨時腹痛着在中腕此熱毒凝滯瘀血作痛

也 牛旁

白芍 生用

桃仁 炒去尖研爛

大黃 酒炒各一錢

紅花

三分酒洗

乳香

沒藥 研末各五分

藥煎就將此二味投入溫服若宿

食腹痛須用消導

治痘後熱  
甚將發癰

大連翹飲

治痘結痂後遍身大熱二便秘赤餘毒盛也或身

上有一處更熱甚者即發癰也速服多服待熱退身涼方為

內消 連翹 牛旁子 柴胡 當歸 赤芍 防風

木通 車前子 荆芥 黃芩 山梔 滑石 甘草

蟬退各六分 生姜五分 引如大便秘者加大黃酒炒 錢半 如此時忽頭

項痛者是餘毒上攻也必注於目亦用前方去木通車前滑

石加升麻桔梗 川芎薄荷各五分 服數劑以解上攻之毒庶免目患

補中益氣湯 治痘後頭熱五心熱精神困倦不思飲食癆白

便利津液少而煩渴等證皆屬虧虛不可稍用一毫寒涼

人參 黃芪蜜炒 白朮 當歸各一錢 升麻鹽水炒 柴胡酒炒

各三分 川芎 陳皮 甘草各四分 姜棗引如渴者加麥冬

治痘後虛熱

卷二十一 痘科



論治痘重出

錢北五味九粒

以後統治痘證方論

凡痘瘡有重出者於原無痘處復出一層如初出之狀亦漸起

發灌膿此餘毒未盡賴裏氣充實毒不得入故猶出於表得

其人能食而大便堅亦不足慮如虛弱者宜用十全大補湯

之類溫補之不得再解毒也。十全大補湯即四君四物加

論治小痘  
發出成塊

凡痘顆粒不明彼此相串皮腫肉浮或於本痘四旁旋出小痘

攢聚長大漸成一塊此候最險宜用快斑湯合六味消毒飲

三方合治  
上證

快斑湯 治痘起發遲緩 人參五分 當歸 防風 木通各

錢

葶草分三

木香

紫草

蟬退各二分

六味消毒引

解痘毒

牛旁子

連翹

甘草

升麻

紫草

山豆根

各一錢

論治賊痘

凡賊痘於齊出之後其中有獨紅獨大摸之皮軟而不碍手者

此賊痘也。過三日之外必變水泡。或甚而變紫黑泡。危證也。

急用六氣煎加紫草紅花蟬退解之。或用燈草木通煎湯調

益元散利去心經之熱。而紅自退。如已成水泡用保元湯

倍加四苓散利之。此秘法也。不然則遍身擦破臭爛而死。

六氣煎治痘瘡氣虛倒陷瘡場合下方治賊痘。

痘科

黃芪蜜炙 肉桂 人參 白朮 當歸 炙草各錢半 加紫

草紅花蟬退

三方合治 賊痘

益元散 利小水 滑石六兩 甘草一兩 共研細末上藥調服三錢

二方合治 賊痘變水

保元湯 治痘前後一切虛證 人參 黃芪蜜炙一錢 炙草一錢

泡 治痘夾斑

四苓散 治一切濕證 從小便出 猪苓 茯苓 澤瀉 木通

丹 治痘夾斑

元參升麻湯 治痘瘡游火變斑疹紅點而無頭粒者或變紅

赤成片如雲頭突起而為丹者 元參 升麻各二錢 甘草

八分 防風 荆芥 牛旁子各六分 水煎服

治痘夾麻

凡痘有夾麻疹而出者用前方加桔梗黃芩酒炒各六分 令麻疹先

退而痘自起發

治痘倒陷

復元大補湯 治痘瘡二三日細小四五日漸大六七日脚潤

頂陷色白如豆殼者名曰倒陷此氣血大虛而漿不行也

人參

黃芪 蜜炙 錢半

當歸 一錢 三分

炙草 八分

肉桂

白朮

川芎 各八分

南木香 四分

大便溏泄者兼用參朮散

方見前

頻服可

療

治痘痛

凡痘有痛者其證屬實此為吉兆用生白芍為細末酒調下

錢五分立止甚者不過二服

治痘齊後頭面腫脹

參歸大補湯

治痘出齊後頭面腫脹而痘不脹者此氣血虛

弱不能收揖毒氣以成膿故其毒散漫妄行肉分也

醫

卷

痘科

七

人參 當歸

黃芪 蜜炙各一錢二分

川芎

桔梗

山查肉

炙草 各八分

防風

白芷

厚朴 姜炒

紫草茸

各六分

南木香

三分 姜引

疔

四聖膏 治痘出齊後其間有紫黑脹硬獨大而無根暈者痘

疔也

珍珠

碗豆

亂髮

三者各燒灰存性等分

冰片

少許用油煎

脂調成膏先將銀簪擦開疔口將藥填於瘡內即轉紅活或

用雄黃研細末以胭脂濃浸水調點疔上亦化而為痘

敗毒生肌散

治痘收結後仍作熱臭爛出膿水者

疔臭爛

地骨皮

黃連 炒

黃柏 炒

五倍子

生甘草等分為末

治鼻血

乾摻之其不愈者因毒未淨仍服大連翹飲方見上解之或有  
毒水流處而隨爛者用出蚕蛾綿蠶以生明礬末填在內燒  
令汁盡為末摻之

清肺湯 治鼻出血乃毒氣上衝於肺以外洩也清之自止

花粉酒炒 麥冬 天冬俱酒炒 甘草 桔梗 當歸各八分

白芍酒浸炒 又生白芍酒浸 丹皮酒浸 知母蜜炒各六分 生姜一

煎就調髮灰錢一 服或用髮灰錢二 童便七分酒三分調服立止

輕者只用髮灰吹鼻亦止。此證及咽喉口舌等病切不可

峻用寒涼如犀角生地生三黃之類冰伏其血為害不小

會約 卷二十一 痘科

論治水泡

凡痘有水泡無膿者此屬氣血兩虛宜用十全大補湯或用參

歸補益湯

方俱見上

如膿泡與水泡相半者即十分中有三分膿

泡者猶有生意若遍身水泡全無膿漿則危矣倘胃氣好飲

食如常亦可望生但恐毒氣未散須防發癰

論治失聲

凡痘有失音者或痘稠密氣喉有痘碍道而音啞也外痘壓

肉痘亦收自聲亮而不必治也若痘色虛陷灰白而音啞者乃

氣血不足送毒不出毒留於肺肺氣受傷以致失音宜參麥

清補湯

方見上

兼服下方方可救全

治氣血虛

千金內托散治一切氣血不足以致毒留於中變證不一

治症後日

人參 歸身

黃芪 蜜炙各錢半

白芍 酒炒

大川芎 各六分

肉桂

炙草 山查肉

各五分

南木香

防風

白芷

厚朴 姜炒各三分

分

生薑引龍眼肉三個同煎入好酒和服

清毒撥翳湯

治症後目赤腫痛不能開者或翳膜遮蔽不能

視者此宜從容調治不可用寒涼以傷元氣也

當歸

花粉 酒蒸

牛旁子

草決明

桔梗

甘草

刺蒺

藜 各五分炒

菊花

蜜蒙花

穀精草

川木賊

乾葛

川芎

羌活

柴胡

防風

薄荷

生地

山梔 酒炒各三分

生薑一片引如目赤甚者加黃連

酒炒四分

如大便秘燥加大黃



酒炒錢半得大便通仍去之此治毒輕者不得十劑而愈毒重者必須多劑乃獲全效若峻攻其裏而疏利其下勢求速效自必喪明并忌涼藥點洗

治痘初熱煩燥

下神解毒湯 治痘二三日間已出未出煩燥不安口渴尿赤

等證 歸尾 生地 紅花俱酒浸 丹皮 桔梗 赤芍

伏毛洗淨姜汁拌晒 木通 連翹去心 小川芎各七分 水煎服此方

以涼血行血為主初服穩協

治痘一切夾證

荆防解毒湯 治痘夾班夾麻夾丹者俱可通用

防風 荆芥穗 升麻各四分 黃芩酒炒 黃柏酒炒 元參

治痘密身  
熱

牛旁子

炒研各六分

水煎服

牛旁子湯

治痘密身熱連日不退

牛旁子

炒研

歸身

炙草

柴胡

連翹

黃芩

酒炒

黃芪

生用

地骨皮

各八分

水煎服

論治孕婦  
及生產出痘

凡孕婦出痘

摠以安胎為主其初發熱則用參蘇飲以發之痘

既出後則多服安胎之藥詳載婦科胎孕門可以參閱泄者

用黃芩湯合四君子湯內加訶子血虛者用四物湯加托藥

色灰白而起發遲者用十全大補湯去肉桂凡條芩白朮艾

葉砂仁之類與候相宜者採而用之切不可用丁桂燥熱之

品更有出痘時而正產者勢必氣血兩虛亦以十全大補湯  
為主虛寒者少加附子若寒戰咬牙腹脹不渴而身熱足冷  
者此乃脾胃內虛外作假熱也宜參芪歸附木香之類禁用  
寒涼亦有口渴飲水大便燥小便赤而短脈息洪滑者此內  
熱也宜用五苓散加黃芩白芍之類至於崩漏血氣痛血暈  
等證俱載婦科生產門可以參用不必復贅

痘瘡脈論

論脈

凡痘以觀形察色為主然不診脈何以決臟腑虛實寒熱之真  
情而治療之無誤也蓋以左手脈之大小以分血之盛衰右

手脉之大小以分氣之盛衰。七歲以上五至爲平，七歲以下六至爲平。過則爲數，邪氣實也；不及爲遲，正氣虛也。人迎緊外感也，氣口數內傷也。浮而數表熱也，浮而遲陽氣衰也，沉而緊裏執也，沉而細元氣脫也。然痘疹爲陽病，故脉浮沉俱宜畧帶洪實，若弱而無力則爲陽病而見陰脉，必凶之兆。至於浮而無根，細而欲散，遲而欲絕，沉而時一至者，皆死脉也。夫痘瘡自發熱以至起脹，毒從內出，陽之候也；其脉尤宜浮大而數，不宜沉細而遲。既靨之後，毒從外解，陰之候也；脉宜和緩不宜洪數，但要和平有神，切忌虛大無力。六日以前宜

動六日以後宜靜也。脉靜身涼而神寧者，生脉。躁身熱而心

煩者，死所必然也。然六部之外，又有衝陽脉者，胃脉也。脉在足大

指次指之間陷上太谿脉者，腎脉也。動脈者是也胃為主

腎為根。此二脉關係最重。倘至六部無脉，生死難辨。宜於此

診之。若悠悠條理不斷不急，元氣尚在，猶有生意，可救而活。

也。若此二脉先絕，縱六脉猶存，亦為凶候。復以二脉較之，則

太谿尤重於衝陽耳。其中脉理所當熟晰。

備揀古來治痘雜證至簡至穩單方於後，以便取用。

稀痘神方

硃砂一錢 真麝香五厘 葶麻子三十六粒 去殼 共研成糊於端

研細 匣 帛裏壓去油

午日午時塗兒頂額前後心手足心兩手灣兩腿灣如錢大

任其自落不可洗去。此方塗一年者止出二分塗二年者止出一分塗三年者不復出矣傳方之家

已十六世不出痘矣 ○又方用梅花蕊七葉研 硃砂細研水飛一錢 於除夕砂糖

調服出痘必稀再用一服者痘可不出 ○又方用蚯蚓一條

細小白頸者佳 烏雞卵一個 於卵開一小孔入蚯蚓在內紙封其孔飯

上蒸熟每歲立春日或春分日與兒食一枚永不出痘凡值

痘證時行即食二三枚亦妙 ○又方用蟬退鳳凰鼓即抱出雞子殼

神仙脫即交母爪甲 等分研末於除夕用蜜湯調服一錢三年後

永不出痘 ○又方用七星烏魚頭上有七星夜朝北斗 大者一尾小者

不拘

此魚用水  
可以久畜

於除夕煮湯將兒遍洗耳鼻等處俱要水到

若天寒於火邊塗之不可因魚腥而用清水洗去不信或留

一手一足不洗日後出痘此處獨多。又方用本兒脫下臍

帶燒灰存性為末敷於乳頭令兒吮之稀麻痘并解瘡毒。

又方於痘未見點時用絲瓜近帶三寸連皮子燒灰存性為

末沙糖水調下或用燈心湯調服多者少者無。又方用

雞卵七個以童便次第浸七日每日換童便先浸者先取水

煮令兒食二個痘出最稀亦有不出者

防痘入目於發熱時常以胭脂浸水點之或以白芥子研末

日食一個

不可間斷

以下治痘

雜證

水調敷足心熱歸下可免。○咽喉痘瘡用牛旁子二錢桔梗一錢甘草節七分煎服外以屋上老瓦細研末吹之。○痘出不快熱甚便秘用牛旁子炒一錢二分荆芥穗二分甘草四分煎服即已出者亦可服大便利者忌用。○痘瘡煩渴甘草炙花粉等分煎服。○痘毒入心始有白泡忽搐入腹紫黑無膿用大蠶金一枚甘草二錢半水一碗煮乾去甘草焙研爲末入冰片一分每用一錢以生豬血五七滴開水調下不過二服甚者毒氣從手足心出如癰狀乃瘥。○痘疹失表發熱時腹痛此毒氣相搏欲出不得出也用商陸根和葱白搗敷



臍上痘出無患。○痘已出外受風寒。竅閉血凝。痘不長。或變

黑色。用霜後貼水紫背荷葉。炙姜蚕炒等分。為末。酒調五分

服。奇效。○痘瘡口禁。用吳茱萸二粒。細嚼。嚥之。即開。取辛以

散之也。○痘瘡變黑。用穿山甲蛤粉炒為末。加麝少許。溫酒

調服五分。即紅活如神。○痘瘡黑陷。用猪心血。即尾血。亦可

加冰片少許。研勻。酒調服。一刻紅活。○痘甚。血熱變紫赤。而

二便閉者。用紫草紅花蟬退等分。煎服。即解。○痘不起。發用

雄雞冠血和酒服。○痘初發。托之用穿山甲。取頭上及前足者。土拌炒。黃一

兩紅麴一錢。磨共研末。以雄雞冠血和酒調服。大人一錢。小

兒六七分較前方更佳。○痘瘡黑陷欲死者。用小兒糞將砂  
罐貯之。鹽泥固封。火煨通紅。取出爲末。蜜水調服一錢。○痘  
收時有欬逆者。取真黃土研細。將童便調軟。貼鼻下兩邊。聞  
氣立止。○痘漿滿時。或感寒一時變黑紫色。用好肉桂煎服。  
立見如前。○痘爛不乾。用多年屋上茅焙研。摻之。或用末鋪  
床上加一層布於上。睡之即愈。○痘癢及痂不落。以蜜時刷  
之。痂易落。且無癢痕。○痘爛用枇杷葉煎湯洗之。次用海螵  
蛸末。或綠豆末敷之。○又方。用乾黃牛糞燒過。取中間白者  
研末敷之。○痘瘡癢痕。用陀參末人乳調塗。夜上旦洗。○痘

川痘時忌

癰用黑大豆赤小豆菉豆研末醋調塗之立消。痘灰白吐

瀉肢冷用丁香九粒乾姜炒一錢水煎熱服。痘焦狂妄用滑石

硃砂水飛各一錢冰片三厘共研末冷水調服一二分得睡自安神方也

凡出痘疹時有當避者有當禁者謹之則重可變輕不謹則輕

必變重避腋下狐臭氣行遠勞汗氣溝糞濁惡氣婦

人經候氣房中淫液氣諸瘡腥臭氣砒硫蚊烟氣

誤燒頭髮氣吹滅燈燭氣柴烟牛羊氣葱蒜韭薤氣

煎炒油烟氣醉酒葷腥氣麝香燥烈氣

當禁 禁生人往來 詈罵呼怒 對梳頭 對搔癢 勿掃地 勿

對荒言 勿使僧道孝服 人人房 勿對飲食譎樂

論麻與痘不同治法亦異

麻者即疹也與痘不同痘屬少陽三焦火也陽道常饒故大而腫麻屬少陰心火也陰道常乏故小而密痘毒出於臟腑屬陰陰主血故痘有形而有汁麻毒出於腑腑屬陽主氣故麻有形而無漿痘有寒有熱麻則有熱而無寒痘宜充實可用補劑麻忌內實祇宜解散雖皆胎毒而發既殊治亦不同其初出之際痘防表虛不可遏表麻貴盡出遏表無妨既出之後麻宜補陰以制陽痘則補氣以生血蓋麻熱甚則陰分煎熬自陰虛火

動故宜滋陰清火最忌酸斂溫補燥悍之品初發熱時如桂枝羌活蒼朮丁香肉桂砂仁之類其性辛熱能使毒壅蔽而不得出又忌驟用寒涼使毒冰伏而不得宣俱致內攻之患治宜升麻葛根湯雖寒勿用桂枝雖虛勿用參朮雖嘔而有痰勿用半夏南星并忌誤作傷寒而用汗下之法乃爲穩協

### 論麻證重輕

麻出六腑其毒淺而易散然其熱毒上蒸於肺故肺家見證獨多咳嗽流涕眼腫含淚面腫腮赤者是也然有輕重之分如身體微汗上下潮潤神清食常米燥不迷一日現幾陣爪數鮮紅

者輕也。不必服藥。但禁風寒。暈腥而已。若氣喘鼻乾。驚狂作嘔。熱甚昏迷者。重也。或初見如芥而色紅。倏而變紫色者。險。變黑色者。逆。此際不可用藥。失序不可過爲攻表。以傷胃氣。反令停毒攻肺。務宜辨寒熱虛實而治之。其法惟宣其毒以盡出之於外。雖紅腫殊甚。亦不足慮。以其既發於外。可免內攻。不若痘家之必顧其收靨也。

夫痘屬陰。故頭面先見而稀少者爲佳。麻屬陽。故頭面宜多見成粒而色紅者爲吉。痘瘡貴三四次。陸續出者爲妙。麻疹貴一齊。湧出而便解者爲上。凡以火照之。遍身如塗硃者。將出之兆。

也。痘色最厭繁紅。麻色偏喜通紅。蓋麻發於心。紅者火之正色也。若色淡白者。是心血不足也。宜養血托毒湯主之。如色太紅。或微紫者。是血熱也。宜大青湯主之。方見下若色黑者。是血熱而枯。乃凶兆也。善於涼血生血。或者可救。

昔人謂天氣暄熱。宜用辛涼發之。如黃連解毒湯之類。又謂天氣嚴寒。宜用辛熱發之。如桂枝湯之類。不知天時炎熱。豈寒涼之藥所能解。今驟用寒涼。恐不能以解外熱。而適足以阻內熱。使不得出而內攻也。天氣大寒。祇宜置之燠室。謹避風寒可也。且天氣雖寒。而人身之熱毒。未必減也。若再辛熱以助毒。其變

幻有不可測者矣。至於麻疹初起，有四肢逆冷者，乃火極似水之故，不可妄投熱藥。待麻現自然平和也。若在大病後吐瀉後，體虧而適出麻，有是證者，須當別論。又有麻發而自利者，其毒亦因利而散，此殊無妨。忌用參耒訶菟補澁之藥，以圖速止。致生喘滿脹滯等證，不可推測。或大泄不止，以及糞黃而色紅者，須當調治，不可忽也。

治表實麻疹未現

升麻葛根湯 治陽明火毒表實邪盛。用此解散。麻疹易現。

升麻 葛根

甘草

各一錢

白芍

酒浸 錢半

水煎熱服

治體虛麻疹未現

柴歸飲

治麻疹無實邪者。用此托之散之。

不助邪不損氣。易



通治麻疹  
未現

通治麻疹  
已現

於出現

當歸二錢

白芍半錢

柴胡一錢

乾葛二錢

甘草八分

荆防敗毒散

治麻疹發熱二三日間發散通用

柴胡

荆芥穗

防風

羌活

獨活

前胡

川芎

枳殼

人參

甘草

桔梗

茯苓等分

薄荷葉減半

水煎服

或加牛旁子、連翹以解毒。淡竹葉以清熱。更妙如天氣大熱。

加黃芩炒八分

大寒加麻黃蜜炒八分

水煎熱服

解毒快斑湯

治麻已現形一二日之間解毒通用

連翹

牛旁子研

荆芥

防風各七分

蟬退五個

山查肉

生地各錢半

歸尾

桔梗

黃芩各八分

川芎五分

乾葛

紫草 水煎服

治麻出二  
切發証

化毒清表湯 治麻疹已出而紅腫壯熱大便秘小便赤舌黃

氣粗等證 牛蒡子 連翹 花粉 地骨皮 山梔炒

黃連 黃芩 乾葛 元參各八分 桔梗 前胡 木通

甘草 薄荷 防風各五分 如口渴加花粉一分 石膏煨研三錢

大便瀉加大黃酒炒錢半

養血托毒湯 治麻現色白心血不足體虛神倦者

治麻色淡  
白

當歸二錢 白芍酒炒錢半 熟地二錢 茯神一錢 淮山藥炒錢半

沙參一錢二分 甘草 生地酒浸 丹參各一錢 柏子仁炒去油八分

治麻色紫者

牛旁子

炒研六分

白蓮肉

去心炒研一錢

水煎頻服以轉紅為吉

大青湯 治麻色紅而紫屬血熱大毒用此解之

生地

二錢

石膏

生研三錢

元參

地骨皮

知母 各錢半

木通

甘草 青黛

荆芥穗 各一錢

淡竹葉十二片水煎服若紫

色退止服恐寒涼傷胃也

治熱邪咳嗽

麥門冬湯 治表邪內熱咳嗽甚者

麥門冬

葛根 各錢半

升麻 六分

赤芍 酒炒

茯苓 八分

甘草

炙六分

石膏

煨研二錢

水煎服如肺火甚加貝母知母 各七分

治麻後咳

門冬清肺湯

治麻後咳嗽不止

治麻後咳  
嗽發熱

治麻色佳  
黑

天門冬去心

麥冬去心

款冬花

知母

貝母

桔梗

牛蒡子

地骨皮

杏仁

去皮尖  
各錢半

馬兜鈴甘草各七

水煎

溫服

清肺飲

治麻證五六日之間尚有餘毒留於肺胃咳嗽氣粗

身熱不退

石膏錢三

生地錢二

麥冬

元參各一

桔梗

黃芩

歸尾各八

姜蚕條五

甘草

陳皮各六

知母七

柴胡六

竹葉四

水煎熱服

清熱活血湯

治麻色焦黑凶證多服速服黑色退乃吉

生地

丹皮各二

黃柏

黃連

黃芩

各酒炒  
錢半

側柏葉

赤芍

牛蒡子

炒研各  
一錢

連翹去心

甘草

各一錢  
二分

薄荷葉八

治麻熱泄

水煎熱服如口渴加花粉一錢生石膏二錢淡竹葉十片童便半盃如大便秘燥加大黃酒炒三錢如小便赤短加滑石末二錢藥調服中病即止

加味四苓散 治麻泄利過甚糞色黃或紅而臭屬實證大毒

猪苓 木通 澤瀉 赤茯苓各一錢 車前子去殼畧炒 黃連

黃芩 牛旁子各七分 燈心五分 水煎熱服凡參朮訶菴止泄

之品切忌勿加若祇泄而無實熱等證減黃連黃芩加白扁

豆三錢 藜蘆四錢 煨木香二分 白朮錢半

和中湯 治麻疹大吐大泄而後現者宜和中安胃為主

治麻前吐

白木錢一

白芍酒炒

茯苓

乾葛

當歸身上炒各八分

陳皮

甘草炙

防風

丹皮

桔梗各六分

柴胡五分

半夏七分

生薑六分。紅棗二枚引。

治麻後餘

柴胡四物湯

治麻後餘熱宜補血涼血以退之。

柴胡五分

當歸身

大生地各二錢

川芎七分

白芍酒炒錢半

麥冬 地骨皮

黃芩各一錢

知母酒浸

人參或以山藥三錢代之

淡竹葉八片

水煎服

如不嗜飲食去知母加白木錢半。中病即止。

治麻後餘毒上攻眼目

羚羊角散

治麻疹後餘毒不解上攻眼目羞明雲翳淚俱

多紅赤腫閉

羚羊角錢

黃芪

黃芩

草決明

升麻

治麻陰陽  
兩虧

車前子 防風 大黃分等水煎熱服如大便燥秘加芒硝二錢下之

全真一氣湯 治麻疹頭面不起壯熱不食喘促昏沉上熱下

寒之候由久熱以傷陰也勿作實熱施治

熟地錢三五

白朮錢二

麥冬半錢

淮牛膝錢一

北五味粒十五

附子分五七水煎涼服○昔人謂疹要清涼痘要溫執為定論

論用寒涼  
之害

寒涼並進以致陽虛不能升發頭面不起陰虛不能退陽所以餘熱日盛陰氣未全之弱質何堪久熱之傷陰故昏沉不食喘促煩燥中氣日虛如以疏表透托風藥則愈耗其陰如以清肺解毒涼藥則徒傷其胃泄瀉一來上熱下寒喘促益

治麻虛虧  
陽盛陰伏

甚復謂疹毒歸肺肆進苦寒危亡立至殊不知氣血不和偏陰偏陽之謂毒能使氣血和陰陽平而毒化矣今此方滋陰降火一氣相生於氣血兩虛之輩有起死迴生之功人勿謂其峻猛而致疑也

加味地黃湯 治熱盛陰虧麻疹隱伏其脉寸強尺弱不宜表

者 熟地 錢三五

惠皮 山藥 各錢半

茯苓 丹皮 各錢一

澤瀉 七分 肉桂 錢半

此五味 分三 水煎溫服。凡麻疹須按脉

用藥摠以救陰救陽為主此為法外之治故不必以疹多實

熱為定論而因時因人以權衡也



痢 治麻痺成

清熱導滯湯 治毒熱留伏成痢

黃連 黃芩 白芍 枳殼炒 山楂肉各一錢 厚朴姜炒

青皮 檳榔 當歸 甘草 牛旁子 連翹各六分 如紅多

者加紅花三分。地榆五分滯澀者加酒炒大黃一錢二分

治後重 香連丸 治裏急後重 黃連一兩 廣香三錢 共研末 蜜丸 開水

下三錢。如病久體虛者。用補中益氣湯送丸三五錢。

治口瘡牙 痺 清胃敗毒湯 治麻後餘毒口瘡牙痺等證

姜蚕 丹皮 甘草 連翹心 生地 桑根皮 沙參

茯苓 金銀花 黃柏各等分 如體虛加白朮水煎服

口瘡牙疳

探藥

救苦散 麻後口瘡牙疳搽藥

人中白

火煨五分

青黛

水飛五分

冰片

一分

姜蚕

半錢

寒水石

水飛

錢三共為細末先以濃茶漱淨隨搽患處如加牛黃二分更效

治麻毒喉病

加味其桔湯 治麻後餘毒喉病

連翹 甘草 桔梗 射干 牛蒡子 黃連酒炒 黃芩酒炒

各一錢 水煎服。外用苦參三錢姜蚕二錢為末吹之

治麻後體瘦氣虛

健脾丸 治麻後失調體瘦氣虛或成疳疾或生泄瀉等證

人參

少者以山藥二兩炒黃代之

黃芪

蜜炒

白朮

當歸

茯苓

冬一兩

神麩

炒

山楂肉

白芍

酒炒

地骨皮

各五錢

白扁豆

炒去皮一兩

麻一切  
熟證

橘紅 陳皮 各五錢

川黃連 炒四錢

百合 八錢 如肚硬有積加

谷虫 三錢 共為細末每用二錢少加白糖開水調服

犀角解毒化痰湯 治麻證咳嗽氣喘唇紅便燥內熱煩渴或

口鼻出血不拘前後皆可服

生犀角 一兩 歸尾 八錢 連翹心 丹皮 紫草 甘草稍

川貝母 花粉 薄荷 各一兩 赤芍 六錢 牛旁子 黃連 各三錢

生地 二兩 共為細末煉蜜為丸如彈子大每服一丸淡竹葉

湯下或十分用一煎服亦可但犀角須磨汁合服

凡孕婦出麻古人徒知清熱以安胎不思麻未見而止以清熱

厚婦出

治孕婦麻  
疹初熱

爲事則麻因水伏難出而內熱愈甚。是欲保胎反足以傷胎也。宜用輕揚之劑。昭前法表托則麻出而熱自清。繼以滋陰清解。則於麻於胎而得無礙。不安胎而胎自安。又有用艾葉砂仁燥熱之藥以安胎者。而不知適足以損胎也。

托毒清熱安胎湯 治孕婦麻痘初熱表托安胎

當歸 川芎 白芍 桔梗 甘草 柴胡 前胡 防風

荆芥 白芷 乾葛 紫草 白朮 條黃芩 水煎服

各一錢

麻疹禁忌與痘證同。詳載痘科後條。泰閱謹用。

治麻疹雜證單方

麻後嗽甚用貝母

去心童便浸

知母各一兩

老生姜

錢

共研末每用

五七分開水調服

○麻毒口瘡黃連

一兩乾姜

炒黑三錢

為末搽之

○又方用黃柏

蜜炒

青黛

等分

為末頻搽口瘡嘔津妙○麻疹黑

紫將死用小兒大蠶

煨用

方見痘雜證內

可以通用○麻痘解穢用

茵陳研末取葱肉搗為丸焙乾常常燒烟薰房薰被薰衣即

凶者可轉而吉

凡古來治麻痘藥書至多但覺有泛處令初學者不便取用

惟明聶父可所著方論簡而確不誤後人今多採用內有缺

者補之偏者正之集為全書於二科不無小補云